



梁第一

詩紀七十

自梁武帝創設鼓吹樂職限備北海馮惟訥

韻彙編

高臺半竹雲望高不辭草鄣郡謝

陸校訂

武帝

姓蕭氏諱衍字叔達初仕齊累遷隨王鎮西諮議參軍後封東昏而自立四傳五十

五年

樂府辭帶夢為同心詠常恐西風飄在幸宋

綺言生芳樹戲意與秋眼逐上芳餘亦賦莫善未

綠樹始搖芳芳生非一葉一葉度春風芳華自相

接雜色亂參差衆花紛重疊重疊不可思思此誰

能愜... 誰言生離久... 減腰間雙綺帶... 忍折

高臺

樂府作... 簡文帝

高臺半行雲... 色髣髴洛陽道... 相憶

雍臺

日落登雍臺... 開華草臨紫... 悠哉

長安有狹邪行

帝王集作魏武帝者非

洛陽有曲陌... 問君宅我宅... 息佩陸離小

息尚青綺總... 俱入門家臣... 拜門垂三息

俱升堂... 遊南皮三息

遊南皮三息

息俱入戶戶內有光儀大婦理金翠中婦事玉觴
小婦獨閒暇調笙遊曲池丈人少衰個鳳吹方參
差或字安字擬青青河畔草擬青青河畔草
幕幕繡戶絲悠悠懷昔期昔期久不歸鄉國曠音
徽音徽空結遲半寢覺如至既寤了無形與君隔
平生月以雲掩光葉以霜摧老當途競自容莫肯
爲一作妾道與擬明月照高樓

圓魄當虛闥清光流思延延思對孤影悽怨還自
憐臺鏡早生塵匣琴又無絃悲慕屢傷節離憂亟
華年君如東扶景妾似西柳煙相去既路迥明晦
亦殊懸願爲銅鐵轡以感長樂前

閨闔篇

西漢本佳妍金馬望甘泉衛尉屯兵上期門曉漏
傳猶重河東賦欲知追神仙羽騎凌雲轉閨闔帶
空懸長旗掃月窟鳳迹輾星躔但使丹砂就能今
億萬年

邯鄲歌

回顧灞陵上北指邯鄲道短衣妾不傷南山為君

老

子夜歌二首

武帝清商諸曲並見玉臺新詠其與樂府不同者註各題

下

恃愛如欲進含羞未肯前朱口發艷歌玉指弄嬌

絃

樂府作古辭下同

朝日照綺窗光風動紈羅巧笑倩兩犀美目揚雙

蛾

子夜四時歌

春歌四首

階上香入懷庭中花照眼春心一如此情來不可

限

樂府作王金珠

蘭葉始滿池梅花已落枝持此可憐意摘以寄心

知

朱日光素冰黃花映白雪折梅寄佳人共迎

一作道

陽春月

樂府作王金珠

花塢蝶雙飛柳堤鳥百舌不見佳人來徒勞心斷

詩已

絕樂府不載

夏歌四首

江南蓮花開紅光照碧水色同心復同藕異心無

異藝文載一首云江南蓮花水紅光復碧色同絲有同藕異心無異韻

閨中花如繡簾上露如珠欲知有所思停織待

蹏

玉盤著一作貯朱李金杯盛白酒雖欲持自親復恐

不甘口樂府作王金珠

含桃落花日黃鳥營飛時君住馬已疲妾去蠶欲

饑

秋歌四首

繡帶合歡結錦衣連理文懷情入夜月含笑出朝

雲樂府作王金珠冬歌其首句云寒閨周黼帳

七采紫金柱九華白玉梁但歌雲不去含吐有餘

香

吹漏未可停絃斷更當續俱作雙絲引共奏同心

曲以上二首樂府不載

當信抱梁期莫聽迴風音鏡中兩人髻分明無兩

心

冬歌四首

寒閨動黻帳密筵重錦席賣眼拂長袖含笑留上客

別時鳥啼戶今晨雪滿墀過此君不返但恐綠鬢

衰樂府所載古辭一首與此小異

果欲結金蘭但看松柏林經霜不墮地歲寒無異

心樂府作古辭

一年漏將盡萬里人未歸君志固有在妾軀乃無

依樂府不載

歡聞歌二首

艷艷金樓女心如玉池蓮持底報郎恩俱期遊梵

天樂府作王金珠

南有相思木合影復同心遊女不可求誰能息空

陰樂府作王金珠歡聞變歌

團扇歌樂府作王金珠

手中白團扇淨如秋團月清風任動生嬌香承意

發

碧玉歌 樂府失名

杏梁日始照蕙席歡未極碧玉奉金杯綠酒助花

色

上聲歌 樂府作王金珠

花色過桃杏名稱重金瓊名歌非下里含笑作上

聲

襄陽白銅鞮歌三首 英華作白銅鞮

隋書樂志曰梁武帝之在雍鎮有童謠云襄陽白銅蹄反縛楊州兒識者言曰白銅蹄謂金蹄為馬也白金色也及義師之興實以鐵騎楊州之士皆面縛果如謠言故即位之後

更造新鞞帝自為之詞三曲又令沈約為一曲以被管絃古今樂錄曰襄陽蹋銅鞮者梁武西下所製也沈約又作其和云襄陽白銅蹄聖德應乾來

陌頭征人去閨中女下機含情不能言送別沾羅

衣

草樹非一香花葉百種色寄語故情人知我心相

憶

龍馬紫金鞍翠眊白玉羈照耀雙闕下知是襄陽

兒

楊叛兒

詩已

卷之二

七

言
桃花初發紅芳草尚抽綠南音多有會偏重叛兒
曲

白紵辭二首

藝文樂府作簡文帝今從
玉臺作武帝以下七言

朱絲玉柱羅象筵飛琯促節舞少年短歌流目未
肯前含笑一轉私自憐

纖腰嫋嫋不任衣嬌怨獨立特為誰赴曲君前未
忍歸上聲急調中心飛

河中之水歌

玉臺樂府作梁武
帝藝文作古辭

河中之水向東流洛陽女兒名莫愁莫愁十三能

織綺十四採桑南陌頭十五嫁為盧家婦十六生
兒字阿侯盧家蘭室桂為梁中有鬱金蘇合香頭
上金釵十二行足下絲履五文章珊瑚掛鏡爛生
光平頭奴子擎一作履箱人生富貴何所望恨不
早嫁東家王

東飛伯勞歌

一云紹古歌玉臺藝
文樂府並作古辭

東飛伯勞西飛燕黃姑織女時相見誰家兒女對

門居開顏發豔照里閭南窻北牖挂明

藝文作
桂月

光

羅帷綺帳脂粉香女兒年幾十五六窈窕無雙顏

如玉三春已暮花從風空留可憐誰與同

江南弄 七曲○以下雜言

古今樂錄曰梁天監十一年冬武帝改西曲製江南上雲樂十四曲江南弄七曲一曰江南弄二曰龍笛曲三曰採蓮曲四曰鳳笙曲五曰採菱曲六曰遊女曲七曰朝雲曲又沈約作四曲一曰趙瑟曲二曰秦箏曲三曰陽春曲四曰朝雲曲亦謂之江南弄云

江南弄 古今樂錄曰江南弄三洲韻

和云陽春路娉婷出綺羅

衆花雜色滿上林舒芳耀綠垂輕陰連手躑躅舞春心舞春心臨歲臆中人望獨踟躕

龍笛曲

和云江南音一唱值千金

美人綿眇在雲堂雕金鏤竹眠玉牀婉愛寥亮繞虹梁繞虹梁流月臺駐狂風鬱徘徊

採蓮曲

文苑英華作吳均今從樂府玉臺作武帝採菱曲同

和云採蓮渚窈窕舞佳人

遊戲五湖採蓮歸發花田葉芳襲衣爲君艷歌世所希世所希有如玉江南弄採蓮曲

鳳笙曲

和云弦吹席長袖善留客

綠耀尅碧彫瑄笙朱唇玉指學鳳鳴
流速參差飛且停飛且停在鳳樓
弄嬌響間清謳

採菱曲

和云菱歌女解佩戲江陽

江南稚女珠腕繩金翠搖首紅顏興
桂棹容與歌採菱歌採菱心未怡
翳羅袖望所思

遊女曲

和云當年少歌舞承酒笑

氛氲蘭麝體芳滑容色玉耀眉如月
珠佩嫋姬戲金闕戲金闕遊紫庭
舞飛閣歌長生

朝雲曲

和云徙倚折耀華

張樂陽臺歌上謁如寢如興芳
晻曖容光旣豔復還沒復還沒望
不來巫山高心徘徊

上雲樂

七曲

古今樂錄曰上雲樂七曲梁武帝製以代西
曲一曰鳳臺二曰桐柏三曰方丈四曰方諸
五曰玉龜六曰金丹七曰金陵

鳳臺曲

和云上雲真樂萬春

鳳臺上兩悠悠雲之際神光朝天極華蓋遏延州
羽衣昱耀春吹去復留

桐柏曲

和云可憐真人遊

桐柏真昇帝賓戲伊谷遊洛濱參差列鳳管容與
起梁塵望不可至徘徊謝時人

方丈曲

方丈上峻層雲挹八玉御三雲金書發幽會碧簡
吐玄門至道虛凝冥然其所遵

方諸曲

古今樂錄曰方諸曲三洲韻

和云方諸上可憐歡樂長相思

方諸上上雲人業守仁撝金集瑤池步光禮玉晨
霞蓋容長肅清虛伍列真

玉龜曲

和云可憐遊戲來

玉龜山真長仙九光曜五雲生交帶要分影大華

冠晨纓者

一作壽

如玄羅出入遊太清

金丹曲

和云金丹會可憐乘白雲

紫霜耀絳雪飛追以還轉復飛九真道方微千年
不傳一傳喬雲衣

金陵曲

句曲仙長樂遊洞天巡會跡六門揖玉板登金門
鳳泉迴肆鷺羽降尋雲鷺羽一流芳芬鬱氛氲

梁第一

梁第二

詩紀七十五

北海馮惟訥彙編

鄆郡謝 陛校訂

武帝

詩

逸民

一作逸民
吟○四言

如壘生木木有異心如林鳴鳥鳥有殊音如江遊
魚魚有浮沈巖巖山高湛湛水深事迹易見理相
難尋

直石頭

以下
五言

率土皆王土安知全高尚東壟棄黍稷西遊入卿
相屬逢利建始投分參末將尺寸功未施河山賞
已諒攝官因時暇曳裾聊起望鬱盤地勢遠參差
百雉壯翠壁絳霄際丹樓青霞上夕池出濠渚朝
雲生疊嶂籠鳥易爲恩屠羊無飾讓泰階端且平
海水本無浪小臣何日歸頓轡從閒放

答任殿中宗記室王中書別

武帝初仕齊爲隨王鎮西諮議參軍隨
王鎮荊州帝赴鎮時同列以詩送別

問我去何節光風正悠悠蘭華時未晏舉袂徒離
憂緩客承別酒鳴琴和好仇清宵一已曙藐爾泛
長洲眷言無歇緒深情附還流

宴詩

止殺心自詳勝殘道未遍四主慚懷音九夷稍革
面世治非去兵國安豈忘戰釣臺聞史籍岐陽書

記傳

闕

首夏泛天池

薄遊朱明節泛漾天淵池舟楫互容與藻蘋相推

移碧吐紅茵
蒼白沙青漣
漪新波拂舊石
殘花落故枝
葉軟風易出
草密路難披

登北顧樓

梁史武帝大同十年三月幸京口城登北固樓更名北顧

歇駕止行警
迴輿暫遊識
清道巡丘壑
緩步肆登陟
鴈行上差池
羊腸轉相逼
歷覽窮天步
矚矚盡地域
南城連地險
北顧臨水側
深潭下無底
高岸長不測
舊嶼石若構
新洲花如織

天安寺疏圃堂

乘和蕩猶豫
此焉聊止息
連山去無限
長洲望不極
參差照光彩
左右皆春色
掩曖矚遊絲
出沒看飛翼
其樂信難忘
條然寧有飾

一作極

藉田

寅賓始出日
律中方星鳥
千畝土膏紫
萬頃陂色縹
嚴駕佇霞昕
浥露逗光曉
啓行天猶暗
伐鼓地未悄
蒼龍發蟠蜿
青旂引窈窕
仁化洽孩蟲
德令禁胎夭
耕藉乘月映
遺滯指秋杪
年豐廉讓多
歲薄禮節少
公卿乘耒耜
庶疇荷鉏耰
一人慙百王

三推先億兆

撰孔子正言竟述懷詩

隋志孔子正言二卷
十卷梁武帝撰

志學耻傳習弱冠闕師友愛悅夫子道正言思善
誘刪次起實沈殺青在建西孤陋之多聞獨學少
擊叩仲冬寒氣嚴霜風折細柳白水凝澗谿黃落
散堆阜康哉信股肱惟聖歸元首獨歎予一人端
然無四友

遊仙

水華究靈奧陽精測神祕具聞上仙訣留丹未肯
餌潛名遊柱史隱迹居郎位委曲鳳臺日分明柏
寢事蕭史暫徘徊待我升龍轡

遊鍾山大愛敬寺

曰予受塵縛未得留蓋纏三有同永夜六道等長
眠才性乏方便智力非善權生住無停相剎那卽
徂遷歎逝比悠稔交臂乃奢年從流旣難反弱喪
謂不然二苦常追隨三毒自燒然貪癡養憂畏一作
愛熱惱坐焦煎道心理歸終信首故宜先駕言追

善友回輿尋勝緣面勢周大地縈帶極長川稜層
疊嶂遠迤邐墜道懸朝日照花林光風起香山飛
鳥發差池出雲去連綿落英分綺色墜露散珠圓
當道蘭蕙靡臨堦竹便娟幽谷響嚶嚶石瀨鳴濺
濺蘿短未中攬葛嫩不任牽攀綠傍玉澗褰陟度
金泉長途弘翠微香樓間紫煙慧居超七淨梵住
踰八禪始得展身敬方乃遂心虔菩提聖種子十
力一作萬良福田正趣果上果歸依天中天一道長
死生有無離二邊何待空同右豈羨汾陽前以我

初覺意貽爾後來賢

會一作述三教

少時學周孔弱冠窮六經孝義連方冊仁恕滿丹
青踐言貴去伐爲善存好生中復觀道書有名與
無名妙術鏤金版真言隱上清密行貴陰德顯證
表長齡晚年開釋卷猶日映衆星苦集始覺知因
果乃方明示教惟平等至理歸無生分別根難一
執著性易驚窮源無二聖測善非三英大椿徑億
尺小草栽云萌大雲降大雨隨分各受榮心想起

異解報應有殊形差別豈作意深淺固物情

和太子懺悔

太子即簡文

玉泉漏向盡金門光未成繚繞聞天樂周流揚梵
聲蘭湯浴身垢懺悔淨心靈萋草獲再鮮落花蒙

重榮

關

十喻五首

幻

揮霍變三有恍惚隨六塵蘭園種五果雕案出入
珍對見不可信熟視事非真空生四岳想徒勞七

識神著幻是幻者知幻非幻人

如炎

亂念矚長原例見望遙扁逶迤似江漢汎濫若滄
溟金波揚素沫銀浪翻綠萍遠思如可取近至了
無形熱緣熱惚逼渴愛渴心生

靈空

物情異所異世心同所同狀如薪遇火亦似草行
風迷惑三界裏顛倒六趣中五愛性洞遠十相法
靈冲皆從妄所妄無非空對空

乾闥婆

靈海自己極滄流去無邊蜃蛤生異氣闥婆鬱中
天青城接丹霄金樓帶紫煙皆從望見起非是物
理然因彼凡俗喻此中玄又玄

夢

甘寢隨四坐蓋睡依五衆違從競分諍美惡相戲
弄出家爲上首入仕作梁棟色已非真實聞見皆
靈洞長眼出長夜大覺和大夢

代蘇屬國婦

良人如我期不謂當過時秋風忽送節白露凝前
基愴愴獨涼枕悵悵孤月帷忽聽西北鴈似從東
海湄果銜萬里書中有生離辭惟言長別矣不復
道相思胡羊久剽奪漢節故支持帛上看未終臉
下淚如絲空懷之死誓遠勞同穴詩

古意二首

飛鳥起離離驚散忽差池嗷嘈繞樹上翩翩集寒
枝旣悲征役久偏傷壠上兒寄言閨中妾此心詎
能知不見松蘿上葉落根不移

當春有一草綠花復垂枝云是忘憂物生在北堂
墜飛飛雙蛺蝶低低兩差池差池低復起此芳性
不移飛蝶雙復隻此心人莫知

擣衣

駕言易水北送別河之陽沈思慘行鑣結夢在空
牀既寤丹綠謬始知紈素傷中州木葉下邊城應
早霜陰蟲日慘烈庭草復芸黃金風徂清夜明月
懸洞房嫋嫋同宮女助我理衣裳參差夕杵引哀
怨秋砧揚輕羅飛玉腕弱袖低紅粧朱顏日已興

盼睇色增光擣以一匪石文成雙鴛鴦制握斷金
刀薰用如蘭芳佳期久不歸持此寄寒鄉妾身誰
與容思君苦入腸

織婦

送別出南軒離思沈幽室調梭輟寒夜鳴機罷秋
日良人在萬里誰與共成匹願得一迴光照此憂
與疾君情倘未忘妾心長自畢

戲作

宓妃生洛浦遊女出漢陽妖閑逾下蔡神妙絕高

唐綿駒且變俗王豹復移鄉況茲集靈異豈得無
方將長袂必留客清哇咸繞梁燕趙羞容止西施
慙芬芳徒聞殊可弄定自乏明璫

七夕

白露月下團秋風枝上鮮瑤臺含碧霧羅幕生紫
煙妙會非綺節佳期乃涼年玉壺承夜急蘭膏依
曉煎昔悲漢難越今傷河易旋怨咽雙念斷悽悼

一作切

兩情懸

紫蘭始萌

種蘭玉臺下氣暖蘭始萌芬芳與時發婉轉迎節
生獨使金翠嬌偏動紅綺情二遊何足懷一顧非
傾城羞將苓芝侶豈畏鴟鳩鳴

邊戍

秋月出中天遠近無偏異共照一光輝各懷離別
思

詠舞

腕弱復低舉身輕由迴縱可謂寫自歡方與心期
共

詠燭

堂中綺羅人席上歌舞兒待我光泛灑為君照參差

詠筆

昔聞蘭蕙月獨是桃李年春心倘未寫為君照情筵

詠笛

柯亭有奇竹含情復抑揚妙聲發玉指龍音響鳳凰

答蕭琛

梁書曰高祖在西邸早與琛狎每朝讌接以舊恩呼為宗老琛亦奉陳昔恩以早筵中陽風忝同開雖迷興運猶荷洪慈上答云云

雖云早契闊乃自非同志勿談興運初且道狂奴異

賜謝覽王暕詩

南史曰中書侍郎謝覽侍武帝坐受敕與侍中王暕為詩答贈其文甚工武帝賜詩云

雙文既後進二少實名家豈伊爾棟隆信乃俱國華

賜張率

南史曰率侍武帝遊宴賦詩武帝別賜率詩曰

東南有才子故能服官政余雖慚古昔得人今為

盛

戲題劉孺手板

南史曰武帝宴壽光殿詔羣臣賦詩時劉孺與張率竝醉未成武帝取孺手板題戲之曰

張率東南美劉孺洛陽才攬筆便應就何事久遲

回

送始安王方略入關

梁武帝結好于魏遣始安王方略入關送之作詩曰

如何吾幼子勝衣已別離十日無由宴千里送遠

垂

覺意詩賜江革

梁書曰時高祖盛於佛教朝賢多啓求受戒革精信因果而高祖未知謂革不奉佛教乃賜革覺意詩五百字

唯當勤精進自強行勝脩豈可作底突如彼必死

囚

聯句詩

詩已

梁卷之二

十一

傾城非人美十載難重逢雖懷軒中意愧無鬢髮容

清暑殿効柏梁體 七言

居中負宸寄纓紱 帝言慙輻輳政無術 新安太守任昉至

德無垠愧違弼 侍中徐勉燮贊京河豈微物 丹陽丞劉汎竊

侍兩宮慙樞密 黃門侍郎柳澄清通簡要臣豈汨 吏部郎中謝覽

出入帷宸濫榮秩 侍中張卷複道龍樓歌楸實 太子中庶子王

峻空班獨坐慙羊質 御史中丞陸杲嗣以書記臣敢匹 右軍

主簿陸倕謬參和鼎講畫一 司徒主簿劉治鼎味參和臣多匱

司徒左西屬江曹

梁第二

梁第三

詩紀七十六

北海馮惟訥彙編

鄣郡謝 陛校訂

昭明太子

諱統字德施武帝長子也生而聰睿讀書數行竝下每遊宴祖道賦詩皆

屬思便成無所點易寬和容衆接引才俊喜文章聚書至三萬餘卷著述甚多年三十一薨

樂府

有所思

玉臺作 庾肩吾

公子

一作 佳人

遠于隔乃在天一方望望江山阻悠悠

道路長別前秋葉落別後春花芳雷歎一聲響雨
淚忽成行悵望情無極傾心還自傷

相逢狹路間

京華有曲巷巷曲

一作曲曲

不通輿道逢一俠客緣路

問君居君居在城北可尋復易知朱門間皓壁刻

桷映晨離階植若

一作茗

華草光景逐颺移輕幘委

四屋

一作逐四屈

蘭膏然百枝長子飾青紫中子任以

貲小子始總角方作啼弄兒三子俱入門赫奕盛

羽儀華駟服衡轡白玉鏤鞿羈容止同規矩賓從

盡恭卑雅鄭時問作孤竹乍參差雲翔雜水宿弄
吮蒲清池歡樂無終極流目豈知疲門下非毛遂
坐上盡英奇大婦成貝錦中婦飭粉施一作粉施小
婦獨無事理曲步簷垂丈人暫徙倚行使流風吹

三婦豔

大婦舞輕巾中婦拂華茵小婦獨無事紅黛潤芳
津良人且高臥方欲薦梁塵

飲馬長城窟行

一云擬青
青河畔草

亭亭山上柏悠悠遠行客行客行路遙故鄉日迢

言
迢迢不可見長望涕如霰如霰獨留連長路邈
綿綿胡馬愛北風越燕見日喜緼此望鄉情沈憂
不能止有朋西南來投我用木李并有一札書行
止風雲起扣封披書札書札竟何有前言節所愛
後言別離久

長相思

相思無終極長夜起歎息徒見貌嬋娟寧知心有
憶寸心無以一作因願附歸飛翼

將進酒

洛陽輕薄子長安遊俠兒宜城溢礫盃中山浮羽
卮

上林

千金駿褭騎萬斤流水車爭遊上林裏高蓋逗春
華

詩

示徐州弟

四言

按梁書本紀簡文帝以天監十
七年爲雲麾將軍南徐州刺史

宴君晝室靖眺銅池三墳旣覽四始兼摛高宇旣

清虛堂復靜義府載陳玄言斯逞

詒明山賓

以下五言

南史曰明山賓平原鬲人先為統州刺史入為東宮學士兼國子祭酒昭明太子聞其築室未就有令曰明祭酒出撫大藩擁旄推轂珥金拖紫而恒事屢空聞構宇未成今送薄助并詒以詩曰

平仲古稱奇夷齊昔擅美令則挺伊賢東秦固多士築室非道傍置宅歸仁里庚桑方有係原生今易擬必來三徑人將招五經士

春日宴晉熙王

此詩見藝文類聚考南史梁時無晉熙王疑藝文誤

百六鍾期數三七厄時中國難悲如燬親離歎數窮藩哲遊沮夢揚化撫邊戎幸茲同宴醕引滿愛樽空

宴闌思舊

孝若

明山賓

信儒雅稽古文敦淳茂洽

到

實俊朗文

義縱橫陳佐公

陸倕

持方介才學罕為隣灌蔬

殷寔

寔

溫雅搗藻每清新余非狎異者惟舊且懷仁綢繆似河曲契闊等漳濱如何離災盡眇漠同埃塵一

起應劉念汝汝欲沾巾

詠山濤王戎詩二首 并序

顏生五君詠不取山濤王戎余聊詠之焉

山公弘識量早廁竹林歡聿來值英主身游廊廟
端位隆五教職才周五品官爲君翻已易居臣良
不難

濬冲如蕭散薄莫至中台徵神歸鑒景晦行屬聚
財嵇生襲玄夜阮藉變青灰留連追宴緒壚下獨
徘徊

和武帝遊鍾山大愛敬寺

唐遊薄汾水周載集瑤池豈若欽明后迴鸞鷲嶺
岐神心鑒無相仁化育有爲以茲惠日照復見法
雨垂萬邦躋仁壽兆庶滌塵羈望雲雖可識日用
豈能知鴻名冠子姒德澤邁軒羲班班仁獸集匹
匹翔鳳儀善遊茲勝地茲岳信靈奇嘉木互紛紜
層峯鬱蔽虧丹藤繞垂榦綠竹蔭清池舒華匝長
阪好鳥鳴喬枝霏霏慶雲動靡靡祥風吹谷虛流
鳳管野綠映丹麾帷宮設廛外帳殿臨郊垂俯同

南風作斯文良在斯伊臣限監國卽事阻陪隨顧
惟實庸菲冲薄竟奚施至理徒興羨終然類管窺
上聖良善誘下愚慚不移

開善寺法會

栖鳥猶未翔命駕出山莊詰屈登馬嶺迴互入羊
腸稍看原藹藹漸見岫蒼蒼落星埋遠樹新霧起
朝陽陰池宿早鴈寒風催夜霜茲地信閑寂清曠
惟道場玉樹琉璃水羽帳鬱金牀紫柱珊瑚地神
幢明月璫牽蘿下石磴攀桂陟松梁澗斜日欲隱

煙生樓半藏千祀終何邁百代歸我皇神功照不
極睿鏡湛無方法輪明暗室藝文作
智日慧海渡慈航
塵根久未洗希霑垂露光

同泰僧正講

并序○本集
止云僧正

大正以貞俗兼解鬱爲善歌璉師以行有餘力
緣情繼響余自法席旣闡便思和寂杼軸二年
濡翰兩器大正今春復爲同泰建講法輪將半
此作方成所以物色不同序事或異

放光聞鷲岳金牒秘香城窮源絕有際離照歸無

言終
名若人聆至寂寄說表真冥能令梵志遣亦使羣
魔驚寶珠分水相須彌會色形學徒均染疊遊士
譬春英伊予寡空智徒深愛怯疑作情舒金起祇
苑開筵慕肅成年鍾儵從變弦望聚疑作舒盈今
聞火一作林聚淨土接承明掖影連高塔法鼓亂
嚴更雷聲芳樹長月出地芝生已知法味樂復悅
玄言清何因動飛轡暫使塵勞輕

鍾山解講

清宵出望園詰晨屆鍾嶺輪動文學乘笳鳴賓從

靜暎出巖隱光月落林餘影糾紛八桂密坡陁再
城永伊予愛丘壑登高至節景迢遞覩千室迤邐
觀萬頃卽事已如斯重茲遊勝境精理旣已詳玄
言亦兼逞方知惠疑作帶人囂虛成易屏眺瞻情
未終龍鏡忽遊騁非曰樂逸遊意欲識箕穎

玄圃講

白藏氣已暮玄英序方及稍覺蜚聲悽轉聞鳴鴈
急穿池狀浩汗築峯形嶻岈盱雲綠宇陰晚景乘
軒入風來幔影轉霜流樹條濕林際素羽翺漪間

言終
卷之三
頽尾吸試欲遊寶山庶攸信根立名利白巾談筆
札劉王給茲樂踰笙磬寧止消涓邑疑作
悵悵雖娛慧
有三終寡聞知十

東齋聽講

昔聞孔道貴今覩釋花疑作
化珍至理乃悟寂承稟
實能仁示教雖三微妙法信平均信言一鄙俗延
情方慕真庶茲祛八倒冀此遣六塵良思大車道
方願寶船津長延永生肇庶席諒徐陳是節朱明
季灼爍治渠新霏雲出翠嶺涼風起清蘋既食甘

露旨方欲書諸紳

講席將訖賦三十韻詩依次用

法苑稱嘉柰慈園羨脩竹靈覺相招影神仙共棲
宿惠義比瑤瓊薰染猶一作
等蘭菊理玄方十筭功
深似九築華水警銀舟方衢列金軸微言絕已久
煩勞多累蓄因茲闡慧雲欲使心塵伏八水潤焦
芽三明啓羣目寶鐸旦參差名香晚芬郁暫捨六
龍駕一作
驚微祛二鼠感意樹發空花心蓮吐輕馥
喻斯滄海變譬彼菴羅熟妙智方縟錦深詞同霧

言糸
穀善學同梵爪真言異銅腹逶迤合盖城葳蕤布
金郁珠華陰八溪玉流通九谷青禽乍下上雲鴈
飛翻覆高談屬時聽寡聞終自恣日麗鴛鴦瓦風
度踟躕屋落藹散遠香霏雲卷遙族曠濟同象園
中乘如佇獨後齟難堅明初心易驚縮應當離花
水無令垂漆木投巖不足貴棘林安可宿器月希
留影心灰庶方撲視愛同采蜂遊善如原菽八邑
仙人山四寶神龍澳藥樹永繁稠禪枝詎凋槭一作
緘以茲悅聞道庶此優馳逐願追露寶車脫屣親

推轂

晚春

此詩玉臺藝文並作簡文昭
明集亦載之然語殊不類也

紫蘭初葉滿黃鶯弄始稀石蹲還似獸蘿長更勝
永水曲文魚聚林暝雅鳥飛渚蒲變新節巘桐長
舊園風花落未已山齋開夜扉

林下作妓詩

玉臺作簡文初學作
昭明昭明集亦載

炎光向夕歛徙宴臨前池泉將影相得花與面相
宜管聲如鳥弄舞袖寫風枝懽樂不知醉千秋長
若斯

言系
卷之三
九
擬古

晨風被庭槐夜露傷堦草霧苦瑤池黑霜凝丹墀
皓䟽條索無陰落葉紛可掃安得紫芝術終然獲
難老

賦書帙

擢影兔園池抽莖淇水側朝映出嶺雲莫聚飛歸
翼幸襍緗囊用聊因班女織一合軒義曲千齡如
可卽

詠同心蓮

江南采蓮處照灼本足觀况等連枝樹俱耀紫莖
端同踰竝根草雙異獨鳴鸞以茲代萱草必使愁
人歡

詠彈箏人

故箏猶可惜應度幾一作新人邊塵多澁移柱風燥
脆調絃還信三洲曲誰念九重泉

餞庾仲容

梁書曰仲容先爲太子舍人後除安成王中
記室當出隨府皇太子以舊恩特隆餞宴賜
詩時輩榮之

言系
孫生陟陽道吳子朝歌縣未若樊林華一作置酒
臨高殿

貌雪 六言

既同標梅 散復似大谷花飛密如公超所起皓
如淵客所揮無羨崑巖列素豈匹振鷺羣飛

示雲麾弟 七言

白雲飛兮江上阻北流分兮山風舉山萬仞兮多
高峯流九派兮饒江渚山岩堯兮乃通天雲微濛
兮後興雨實覽歷兮此名地故遨遊兮茲勝所爾

登陟兮一長望理化顧兮忽憶予想玉顏兮在目
中徒踟躕兮增延佇

擬古

見昭明集玉臺作
簡文○以下雜言

窺紅對鏡斂雙眉含愁拭淚坐相思念人一去許
多時眼語笑靨近來情心懷心想甚分明憶人不
忍語銜恨獨吞聲

大言

觀脩鴟其若轍鮒視滄海之如濫觴經二儀而跼
躄跨六合以翱翔

細言

坐臥鄰空塵憑附
鱗翼越咫尺而三秋度
毫釐而九息

梁第三

梁第四

詩紀七十七

北海馮惟訥彙編

鄆郡謝 陸校訂

簡文帝

諱綱字世纘武帝第三子也六歲能屬文讀書十行俱下辭藻艷發雅好賦詩

然文傷輕靡時號宮體初封晉安王雲麾將軍丹陽尹歷兗荆南徐雍益五州刺史昭明太子薨立為皇太子及嗣位之後侯景制命期年遇弒

樂府

上之回

前旆拂回中後車臨桂宮
輕綵駐雲罕春色繞川

風桃林方灼灼柳路日曛曛笳聲駭胡騎清磬龍
山戎微臣今拜手願帝永無窮

採桑

春色映空來先發院邊梅細萍重疊長新花歷亂
開連珂往淇上接憶至叢臺叢臺可憐妾當窻望
飛蝶忌跌行衫領熨斗成褫禡一作下牀著珠珮
捉鏡安花鑷薄晚畏蠶饑競採春桑葉寄語採桑
伴訝今春日短枝高攀不及葉細籠難滿年年將
使君歷亂遣相聞欲知琴裏意還贈錦中文何當

照梁日還作入山雲重門皆已閉方知留客袂可
憐黃金絡複以青絲繫必也爲人時誰令畏夫壻

樂府三首

蜀國絃歌篇十韻

銅梁指斜谷玉臺云銅梁望絕國劔道望英華作臨中區通星上

分野作固下爲都雅歌因良守妙舞自巴渝陽城

嬉樂所劔騎鬱相趨五婦行難至百兩好遊娛牲

祈望帝祀酒醑蜀侯姝江妃納重聘卓女愛將雛

停弦時繫爪息吹更治玉臺作理脣朱脫衫湔錦浪迴

言
扇避陽烏聞君握節返賤妾下城隅

艷歌篇十八韻 一作有女篇

凌晨光景麗倡女鳳樓中前瞻削成小傍望卷旌
空分妝開淺靨繞臉傅斜紅張琴未調軫飲吹不
全終自知心所愛出入仕秦宮誰言連尹屈更是
莫教通輕軺綴阜蓋飛轡轢雲驄金鞍隨繫尾銜
璫映纏驥戈鏤荆山玉劔飾丹陽銅左把蘇合彈
傍持大屈弓控弦因鵲血挽繯 一作彊 用牛螭弋獵
多登隴酣歌每入豐暉暉隱落日冉冉還房櫳燈

生陽燧火塵散鯉魚風流蘇時下帳象簾復鞞筒
霧暗窻前柳寒踈井上桐女蘿託松際甘瓜蔓井
東拳拳恃君寵歲暮望無窮

妾薄命篇十韻

名都多麗質本自恃容姿蕩子行未至秋胡無定
期玉貌歇紅臉長顰串 一作慣 翠眉奩鏡迷朝色縫
鍼脆故絲本異搖舟咎何關竊席疑生離誰拊背
溘死詎來遲王嬙貌本絕踉蹌入氍帷盧姬嫁日
晚非復少年時轉山猶可遂烏白望難期 一作追 妾

心徒自苦傍人會見嗤

君子行

君子懷琬琰不使涅塵淄從容子雲閣寂寞仲舒
惟多謝悠悠子管窺良可悲

從軍行

貳師惜善馬樓蘭貪漢財前年出右地今歲討輪
臺魚雲望旗聚龍沙隨陣開冰城朝浴鐵地道夜
銜枚將軍號令密天子璽書催何時反舊里遙見
下機來

長安有狹斜行

長安有徑塗塗徑不通輿道逢雙總非扶輪問我
居我居青門北可憶復易尋大息騫金勒中息縮
黃銀小息始得意黃頭作弄臣三息俱入門雅志
揚清塵三息俱上堂觴肴滿四陳三息俱入戶照
耀光容新大婦舒綺綉中婦拂羅巾小婦最容冶
映鏡學嬌顰丈人且安坐清謳出絳脣

泛舟橫大江三首

魏文帝飲馬長城窟行曰
泛舟橫大江討彼犯荆虜

滄波白日暉遊子出王畿旁望重山轉前觀遠帆
稀廣水浮雲吹江風引夜衣旅鴈同洲宿寒鳧夾
浦飛行客誰多病一作當念早旋歸
隴西四戰地羽檄歲時聞護羌擁漢節校尉立元
勲石門留鐵騎冰城息夜軍洗兵逢驟雨送陣出
黃雲沙長無止泊水脉屢縈分當思勒彝鼎無用
想羅裙

悠悠懸旆旌知向隴西行減竈驅前馬銜枚進後
兵沙飛朝似幕雲起夜疑城迴山時阻路絕水亟

稽程往年到支服今歲單于平方歡凱樂盛飛蓋
蒲西京

鴈門太守行二首

輕霜中夜下黃葉遠辭枝寒苦春難覺邊城秋易
知風急旂旗斷塗長鎧馬疲少解孫吳法家本幽
并兒非關買鴈肉徒勞皇甫規

隴暮風恒急關寒霜自濃櫪馬夜方思邊衣秋未
重潛師夜接戰略地曉摧鋒悲笳動胡塞高旗出
漢墉勤勞謝功業清白報迎逢非須主人賞寧期

定遠封單于如未繫終夜慕前蹤

京洛篇

樂府作煌煌京洛行列鮑照後而逸作者之名或以為鮑詩非也

南遊偃師縣斜上灞陵東回瞻龍首堞遙望德陽宮重門遠照耀天閣復穹窿城傍疑複道樹裏識

松風黃河

一作沙

入洛水丹泉繞射熊夜輪懸素魄

朝光蕩碧空秋霜曉驅鴈春雨暮成虹曲陽造甲

第

曲陽後漢外戚王根也

高安還禁中劉蒼歸作相竇憲出

臨戎此時車馬合茲晨冠蓋通誰知兩京盛歡宴

遂無窮

權歌行

妾家住湘川菱歌本自便風生解刺浪水深能捉
船葉亂由牽荇絲飄為折蓮濺妝疑薄汗沾衣似
故湔浣紗流暫濁汰錦色還鮮叅同趙飛燕借問
李延年從來入絃管詎一作誰在權歌前

怨歌行

十五頗有餘日照杏梁初蛾眉本多嫉掩鼻特成
虛持此傾城貌翻為不肖軀秋風吹海水寒霜依
玉除月光臨戶駛荷花依浪舒望簷悲雙翼窺沼

泣前魚或作王餘魚名也苔生履處沒草合行人踈裂統
傷不盡歸骨恨難祛早知長信別不避後園輿

美女篇

佳麗盡關情風流最有名約黃能效月裁金巧作
星粉光勝玉靚衫薄擬蟬輕密態隨流臉嬌歌逐
軟聲朱頰半已醉微笑隱香屏

鬪雞

歡樂良無已東郊春可遊百花非一色新田多異
流龍尾橫津漢車箱起戍樓玉冠初警敵芥羽忽

猜儔十日驕旣滿九勝勢恒道脫使田饒見堪能
說魯侯

苦熱行

六龍驚不息三伏起炎陽寢興煩几案俯仰倦幃
牀滂沱汗似鑠微靡風如湯洄池愧玉浪蘭殿非
含霜細簾時半卷輕幌乍橫張雲斜花影沒日落
荷心香願見洪崖井詎憐河朔觴

茱萸女

茱萸生狹斜結子復銜花遇逢纖手摘濫得映鈴

華雜與鬟簪插偶逐鬢鈿斜東西爭贈玉縱橫來
問家不無夫婿馬空駐使君車

棗下何纂纂

古咄咄歌曰棗下何
攢攢榮華各有時

垂花臨碧澗結翠依丹巘非直入游宮兼期植靈
苑落日芳春暮遊人歌吹晚弱刺引羅衣朱實凌
還憶且歡洛浦詞無羨安期遠

金樂歌

槐香欲覆井楊柳正藏鴉山鑪好無比玉構火窻

賒牀頭辟繩結鏡上領巾斜鐵鑊種梁子銅樞生

棗花開門拋水柱

一作信

城按特言家

行幸甘泉宮

雉歸海水寂裘來重譯通吉行五十里隨處宿離

宮鼓聲恒入地塵飛上暗空尚

一作赦

書隨豹尾太

史逐相風銅鳴周國鏃旗曳楚雲虹倖臣射覆罷

從騎

一作妓

新歌終董逃拜金紫賢妻侍禁中不羨

神仙侶排煙逐駕鴻

有所思

昔未離長信金翠奉乘輿何言人事異夙昔故恩
踈寂寞錦筵靜玲瓏玉殿虛掩閨泣團扇羅幌詠
靡蕪

臨高臺 玉臺作
梁武帝

高臺半行雲望望高不極草樹無參差山河同一
色彷彿洛陽道道遠難別識玉堦故情人情來共
相憶

和湘東王橫吹曲三首

折楊柳 樂府作柳
憚者非

楊柳亂成絲攀折上春時葉密鳥飛礙風輕花落
遲城高短簫發林空畫角悲曲中無別意併是為
相思

洛陽道

洛陽佳麗所大道滿春光遊童初挾彈蠶妾始提
筐金鞍照龍馬羅袂拂春桑玉車爭晚入潘果溢
高箱

紫騮馬

賤妾朝下機正值良人歸青絲懸玉鐙朱汗染香

衣驟急珂彌響
躡多塵亂飛
彫菰幸可薦
故心君莫違

長安道

神臯開隴右
陸海實西秦
金槌一作推輪抵長樂
複道向宜春
落花依度憶
垂柳拂行輪一作人
金張及許史
夜夜尚留賓

江南思二首

江南有妙伎
時則應璿樞
月暈蘆灰缺
秋還懸炭枯
含丹和九轉
芳樹蔭千一作三
株何辭天后
謂終

是列一作到

仙都

懸炭事見淮南子亦古候氣之法說林云懸羽與炭而知燥濕之氣

二文苑英華作江南行

桂檝晚應旋
歷岸扣輕舷
紫荷擎釣鯉
銀一作銅筐
插短蓮
人歸浦口暗
那得久迴船

雞鳴高樹顛

碧玉好名倡
夫婿侍中郎
桃花全覆井
金門半隱堂
時欣一來下
復比雙鴛鴦
雞鳴天尚早
東烏定未光

明君詞

英華作昭君怨

言系
卷之四
玉豔光瑤質金鈿婉黛紅一去葡萄觀長別披香
宮秋簷照漢月愁帳入胡風妙工偏見詆無由情
恨通

當置酒

陸士衡集亦載此詩
今從樂府作簡文

置酒宴嘉賓矚迥臨飛觀絕嶺隔天餘長嶼橫江
半日色花上綺風光水中亂三益旣歲蕤四始方
蕊粲

詠中婦織流黃

翻花滿階砌愁人獨上機浮雲西北起孔雀東南

飛調絲時繞腕易鑷乍牽衣鳴梭逐動釧紅妝映
落暉

豔歌曲

雲楣桂成戶飛棟杏爲梁斜窻通葢氣細隙引塵
光裁衣魏后尺汲水淮南牀青驪暮當返預使羅
裙香

怨詩

秋風與白團本自不相安新人及故愛意氣豈能
寬黃金肘後鈴白玉案前盤誰堪空對此還成無

歲寒

採蓮曲二首

玉臺共一作一首

晚日照空磯採蓮承晚暉風起湖難度蓮多摘未
稀棹動芙蓉落船移白鷺飛荷絲傍繞腕菱角遠
牽衣

二 蓮花賦歌

常聞蕖可愛採擷欲為裙葉滑不留縊心忙無假
薰千春誰與樂唯有妾隨君

霹靂引

來從東海上發自南山陽時聞連鼓響乍散投壺
光飛車走四瑞繞電發時祥今去於斯表殺來永
傳芳

雉朝飛操

晨光照麥畿平野度春暈避鷹時聳角妬壠或斜
飛少年從遠役有恨意多違不如隨蕩子羅袂拂

臣 一作衣

雙燕離 藝文作雙燕詩

雙燕有雄雌照日兩差池銜花落北戶逐蝶上南

詩集
卷之四
十一
枝桂棟本曾宿虹梁早自窺願得長如此無令雙
燕離

貞女引

借問懷春臺百尺凌雲霧北有歲寒松南臨女貞
樹庭花對帷滿隙月依枝度但使明妾心無嗟坐
遲暮

龍丘引

龍丘一回首楚路蒼無極水照弄珠影雲吐陽臺
色浦狹村煙度洲長歸鳥息遊蕩逐春心空憐無

羽翼

賦得當壚

樂府作
當壚曲

十五正團團流光滿上蘭當壚設夜酒宿客解金
鞍迎來挾琴易送別唱歌難欲知心恨急翻令衣
帶寬

昇仙篇

少室堪求道明光可學仙丹繪碧林宇綠玉黃金
篇雲車了無轍風馬詎須鞭靈桃恒可餌幾迴三
千年

和人以妾換馬

樂府作愛
妾換馬

功名幸多種何事苦生離誰言似白玉定是媿青
驪必取匣中釧迴作飾金羈真成恨不已願得路
傍兒

半路溪

樂府作
元帝

相逢半路溪隔溪猶不渡望望判知是翩翩識行
步摘贈蘭澤芳欲表同心句先將動舊情恐君疑
妾妬

擬沈隱侯夜夜曲

靄靄夜中霜河開向曉光枕啼常帶粉身眠不著
牀蘭膏盡更益薰鑪滅復香但問愁多少便知夜
短長

獨處怨

獨處恒多怨開幕試臨風彈碁鏡奩上傳粉高樓
中自從一作君征馬去音信不曾通只恐金屏掩明
年已復空

代樂府三首

楚妃歎

幽閨情脉脉一作閨閉漏長宵寂寂草螢飛夜戶
絲蟲繞秋壁薄笑未爲欣微歎還成戚金簪鬢下
垂玉筋衣前滴

新成安樂宮

遙看雲霧中刻桷映丹紅珠簾通曉日金華拂夜
風欲知歌管處來過安樂宮

雙桐生空井

魏明帝猛虎行
曰雙桐生空井

季月雙桐井新枝雜舊株晚葉藏棲鳳朝花拂曙

烏還看西子

一作稚子照銀牀繫轆轤

雍州曲三首

南湖

南湖荇葉浮復有佳期遊銀綸翡翠鈎玉軸芙蓉
舟荷香亂衣麝撓聲隨急流

北渚

岸陰垂柳葉平江含粉蝶好值城傍人多逢蕩舟
妾綠水濺長袖浮苔染輕楫

大堤

言
宜城斷中道行旅亟留連出妻工織素妖姬慣數
錢炊彫留上客貫酒逐神仙

賦樂府得大垂手 樂府作吳均下同

垂手忽迢迢飛燕掌中嬌羅衣恣風引輕帶任情
搖詎是長沙地促舞不回腰

小垂手

舞女出西秦躡影舞陽春且復小垂手廣袖拂紅
塵折腰應兩袖頓足轉雙巾蛾眉與曼臉見此空
愁人

有所思三首

可歎不可思可思不可見餘絃斷瑟柱殘朱染歌
扇

寂寂暮檐響黯黯垂簾色唯有甕甌苔如見蜘蛛
織

入林看碣礪春至定無賒何時一可見更得似梅
花

蜀道難二首

建平督郵道魚復永安宮若奏巴渝曲時當君思

中

巫山七百里巴水三迴曲笛聲下復高猿啼斷還續

採菱曲

菱花落復含桑女罷新蠶桂棹浮星艇徘徊蓮葉

南

別鶴一作鳥栖曲

接翮同發燕孤飛獨向楚值雪已迷羣驚風復失

侶

生別離

別離四弦聲相思雙笛引一去十三年復無好音信

夜夜曲二首

北斗闌干去夜夜心獨傷月輝橫射枕燈光半隱

牀樂府作沈約

愁人夜獨傷滅燭卧蘭房祗恐多情月旋來照妾

牀樂府無名氏玉臺作簡文帝

春江曲

言系
卷之四
客行祇念路相爭度京口誰知堤上人拭淚空搥手

桃花曲

但使新花艷得間美人簪何須論後實怨結子瑕心

樹中草

幸有青袍色聊因翠幄凋雖間珊瑚蒂非是合歡條

上留田行

以下
七言

正月土膏初欲發天馬照耀動農祥田家斗酒羣相勞爲歌長安金鳳凰

烏夜啼

綠草庭中望明月碧玉堂裏對金鋪鳴弦撥換發初異挑琴欲吹衆曲殊不疑三足朝含影直言九子夜相呼羞言獨眠枕下淚託道單棲城上烏

烏棲曲四首

芙蓉作船絲作紵北斗橫天月將落採蓮渡頭擬黃河郎今欲渡畏風波

言系
浮雲似帳月如鈎那能夜夜南陌頭宜城投泊今
行熟停鞍繫馬暫棲宿
青牛丹轂七香車可憐今夜宿倡家倡家高樹烏
欲棲羅帷翠帳向君低
織成屏風金屈膝朱唇玉面燈前出相看氣息望
君憐誰能含羞不自前

採菊篇

月精麗草散秋株洛陽少婦絕妍姝相呼提筐採
菊珠朝起露濕霑羅襦東方千騎從驪駒更一作豈

不下山逢故夫

東飛伯勞歌二首

一云紹古歌○劉孝
威擬古應教別見

翻階蛺蝶戀花情容華飛燕相逢迎誰家總角岐
路陰裁紅點翠愁人心天窻綺井暖徘徊珠簾玉
篋明鏡臺可憐年幾十三四工歌巧舞入人意白
日西落楊柳垂含情弄態兩相知

西飛迷雀東羈雉倡樓秦女乍相值誰家妖麗隣
中止輕妝薄粉光閭里網戶珠綴曲瓊鈎芳茵翠
被香氣流少年年幾方三六含嬌聚態傾人目餘

香落藥坐相催可憐絕世爲誰媒

雞鳴篇

樂府作劉孝威
以下雜言

埒雞識將曙長鳴高樹顛啄葉疑障羽排花強欲
前意氣多驚舉飄颺獨無侶陳思助鬪協狸膏
昭姒敵安金距丹山可愛有鳳凰金門飛舞有鴛
鴦何如五德美豈勝千里翔

度關山

關山遠可度遠度復難思直指遮歸道都護總前
期力農爭地利轉戰逐天時材官蹶張皆命中弘

農越騎盡塞旗塞旗遠不息驅虜何窮極狼居一
封難再覩闕氏永去無容色銳氣且橫行朱旗亂
日精先屠光祿塞却破夫人城凱歌還舊里非是
銜功名

從軍行

雲中亭障羽檄驚甘泉烽火通夜明貳師將軍新
築營嫖姚校尉初出征復有山西將絕世愛雄名
三門應遁甲五壘學神兵白雲隨陣色蒼山答鼓
聲迤邐觀鷺翼參差覩鴈行先平小月陣却滅大

宛城善馬還長樂黃金付水衡小婦趙人能鼓瑟
侍婢初笄解鄭聲庭前桃花飛已一作欲合必應紅
妝起見迎

隴西行

邊秋胡馬肥雲中驚寇入勇氣特一作時無侶輕兵
救邊急沙平不見虜嶂嶮一作轉還相及出塞豈成
歌經川未遑汲烏孫塗更阻康居路猶澁月暈抱
龍城星流照馬邑長安路遠書不還寧知征人獨
佇立

江南弄三首

玉臺新本樂府英華並作昭明今從藝文作簡文○按玉

臺舊刻稱簡文為皇太子後人遂謬以為昭明故諸詩系名多錯互也

江南曲

和云陽春路時使佳人度

枝中水上春併歸長楊掃地桃花飛清風吹人光
照衣光照衣景將夕擲黃金留上客

龍笛曲

和云江南弄真能下翔鳳

金門玉堂臨水居一嘖一笑千萬餘遊子去還願

莫踈願莫踈意何極雙鴛鴦兩相憶

採蓮曲

和云採蓮歸淥水好沾衣

桂檝蘭橈浮碧水江花玉面兩相似蓮踈藕折香
風起香風起白日低採蓮曲使君迷

梁第四

梁第五

詩紀七十八

北海馮惟訥彙編

鄆郡謝 陛校訂

簡文帝 二

詩

三日侍皇太子曲水宴

并序○以下四言

竊以周成洛邑自流水以禊除晉集華林同文
軌而高宴莫不禮具義舉沓矩重規昭動神明
雍熙鍾石者也皇太子生知上德英明在躬智

湛靈珠辯均河注騰茂實於三善振嘉聲於八
區是節也上巳屬辰餘萌達壤倉庚應律女夷
司候爾乃分階樹羽疏泉泛爵蘭觴公沂蕙肴
來往賓儀式序盛德有容吹發孫枝聲流嶰谷
舞艷七盤歌新六變遊雲駐綵仙鶴來儀都人
野老雲集霧會結軫方衢飛軒照日

闕

震德叶靈年芳節淑濯伊臨灞蕩心愉目驤騎晨
野撻金曉陸蕙氣卷旌神飈擊轂層岑偃蹇聳觀
岩堯煙生翠幕日照綺寮銀華晨散金芝暮搖綠

水動葉丹距映條顧惟菲薄徒承恩裕藝學未優
聲績不樹豈辯河書寧摘淮賦徒偶羣龍終慚並
馭

九日侍皇太子樂遊苑

離光麗景神英春裕副極儀天金鏘玉度監撫昭
明善物宣布惠潤崑瓊澤熙垂露秋晨精曜駕動
宮闈露點金節霜沈玉璣玄戈側影翠羽翻暉庭
迴鶴蓋水照犀衣蘭羞薦俎竹酒澄芬千音寫鳳
百戲承雲紫燕躍武赤兔越空橫飛鳥箭半轉虵

弓

應令詩

微軀多幸接萼嘉運紫幄承慈青衿稟訓傍玉流
温依蘭深薰百氏既洽六義乃摛辭河瀉潤高論
忘疲翠幙晨宇朱花夜池牕斜八綺燈懸百枝

愍亂詩

南史曰朱异蒙倖在朝莫不側目雖太子亦不能平及侯景亂圍城城內咸尤异簡文為詩

瞻彼阪田嗟斯氛霧謀之不臧塞我王度

上巳侍宴林光殿曲水

以下五言

芳年留帝賞應物動天襟挾苑連金陣分衢度羽
林帷宮對廣掖層殿邇高岑風旗爭曳影亭臯
初學
作
午
共生陰林花初墮帶池荷欲吐心

和武帝宴詩二首

一作和武帝講武宴

校尉開疎勒將軍定月支南通新息柱北屆武陽
碑豫遊戲馬館教戰昆明池銀塘瀉清渭銅溝引
直漪常從良家子命中幽并兒金鞍飾紫佩玉燕
帖青驪車書今已共願奏云亭儀

詩已

梁卷之五

三

言糸
祭壺今息鼓董案或開帷聊舉青龍陣正取絳宮
時犒兵隨後拒輶祭逐前師軍門初露節步陳始
分旗闕

侍遊新亭應令

神襟愍行邁岐路愴徘徊遙瞻十里陌傍望九城
臺鳳管流虛谷龍騎藉春芟曉光浮野暎朝煙承
日迴沙文浪中積春陰江上來柳葉帶風轉桃花
含雨開聖情蘊珠綺札命表英才顧憐砒砒質何
以儷瓊瓌

奉和登北顧樓

和武
帝

春陵佳麗地濟水鳳凰宮况此徐方域川岳邁周
禮皇情愛歷覽遊涉擬崆峒聊驅式道候無勞襄
野童霧崖開早日晴天歇晚虹去帆入雲裏遙星
出海中

登烽火樓

聳樓排樹出却堞帶江清陟峯試遠望鬱鬱盡郊
京萬邑王畿曠三條綺陌平巨原橫地險孤嶼派
流生悠悠歸棹入渺渺去帆驚水煙浮岸起遙禽

言系
逐霧征

玩漢水

雜色崑崙水泓澄龍首渠豈若茲川麗清流疾且徐
離離細磧淨藹藹樹陰踈石衣隨溜卷水芝扶浪
舒連翩瀉去檝鏡澈倒遙墟聊持點纓上於是
察川魚

登城

日影半東簷靖念空杼柚小堂倦縹書華池厭脩
竹寂寞既寡棕登城望原陸遙山半吐雲嚴飈時

響谷靡靡見虛煙森森視寒木落霞乍續斷晚浪
時迴復遠矚既濡翰徒自勞心目短歌雖可裁綠
情非霧縠

山池

日暮芙蓉水聊登鳴鶴舟飛鱸飾羽萑長幔覆緹
油停輿依柳息住蓋影空留古樹橫臨沼新藤上
挂樓魚遊向閣集戲鳥逗楂流

贈張纘

儀表咸推挹墻仞難窺踐既富垂帷學復折波濤

言系
卷之五
五
辯綺思暖霞飛清文煥颺轉朱旗赫容與彫檠紛
曜煜波搖白鱧舟風動蒼鷹舳九疑勢參差江天
相蔽虧三春澧浦葉九月洞庭枝洞庭枝孌娜澧
浦葉參差芬芳與搖落俱應傷別離

餞廬陵內史王脩應令

餞行臨上節開筵命羽觴迴池瀉飛棟濃雲垂畫
堂疎槐未合影及日暫流光園梅斂新藻一作階
蕙結初芳

餞臨海太守劉孝儀蜀郡太守劉孝勝

碣石臨東海峨嵋距西候兩杜昔夾河二龍今出
守方無夜犬驚向息神牛鬪涼風遶輕幕麥雨交
新溜念此一銜觴懷離在惟舊

經琵琶峽

由來歷山川此地獨迴遘百嶺相紆蔽千崖共隱
天橫峯時礙水斷岸或通川還瞻已迷向直去復
疑前夕波照孤月山枝斂夜烟此時愁緒密
魂九遷

仙客

漆水豈難變桐刀乍可揮青書長命錄紫水芙蓉
衣高翔五岳小低望九河微穿池聽龍長叱石待
羊歸酒闌時節久桃生歲月稀

往虎窟山寺

考藝文此詩簡文帝作觀弘明集所載王同諸臣和詩可証也弘明集作江令詩蓋有脫簡案誤爾

塵中喧慮積物外衆情捐茲地信爽塏墟壘暖阡
綿藹藹車徒邁飄飄旌旄懸細松斜逶迤峻嶺半
藏天古樹無枝葉荒郊多野煙分花出黃鳥挂石
下新泉蒼鬱均雙樹清虛類八禪栖神紫臺上縱

意白雲邊徒然嗟小藥何由齊大年

望同泰寺浮圖

遙看官佛圖帶壁復垂珠燭銀踰漢汝寶鐸邁昆
吾日起光芒散風吟宮徵殊露落盤恒滿桐生鳳
不雛飛幡雜晚虹音絳畫鳥狎晨鳧梵世凌空下應
真蔽景趨帝馬咸千轡天衣盡六銖意樂開長表
多寶現金軀能令苦海渡復使慢山踰願能同四
忍長當出九居穆天子傳天子之寶璿珠燭銀郭璞曰銀有精光如燭也

蒙預懺直疏詩

藝文作蒙預懺悔詩

皇情矜幻俗聖德愍重昏制書開攝受絲綸廣慧
門時英滿君囿法侶盛天園俱銷五道縛共蕩四
生怨一作冤三脩一作循祛愛馬六念靜心猿庭深林
一作仗彩艷地寂鳥一作伎聲喧上風吹法鼓垂鈴鳴
晝軒新梅含未發落桂聚還翻早煙歲石磴寒潮
浸水門一朝蒙善誘方願遣籠樊

蒙華林園戒詩

庸夫耽世樂俗士重虛名三空既難了八風恒易
傾伊余久齊物本自一枯榮弱齡愛箕穎由來重

伯成非爲樂肥遯特是厭逢迎執珪守蕃國主器
作元貞昔日書銀字久自慙宗英斯焉佩金璽何
由廣德聲一作馨居高常慮缺持滿每憂盈茲言信
非矯丹心良可明舟航奉睿訓接引降皇情心燈
朗暗室牢舟出愛瀛是節高秋晚沈寥天氣清郊
門光景麗祈年雲霧生紅蕖間青瑣紫露濕丹楹
葉踈行逕出泉溜遠山鳴綠衿依浦戍絳纓拂林
征庶蒙八解益方便六塵輕脫聞時可去非舍
重城

言終
卷之五
日出興業寺講詩

沐芳肅朝帶駕言抵淨宮羽旗承去影鏡吹雜還
風吳戈夏服箭驥馬綠沈弓水照柳初碧煙含桃
半紅由來六塵縛宿昔五纏朦見鶴徒知謬察象
理難一作還同方知恧四辯奚用語三空

遊光宅寺詩應令

陪遊入舊豐雲氣鬱青葱紫陌垂青柳輕槐拂慧
風八泉光綺樹四柱暖臨空翠網隨煙碧丹花共
日紅方欣大雲溥慈波流淨宮

十空六首

如幻

漢安設大響周穆置高臺三里生雲霧瞬息起冰
雷空持生識縛徒用長心災慧人恒棄捨庸識屢
遭迴六塵俱不實三界信悠哉

水月

圓輪既照水初生亦映流溶溶如漬璧的的似沈
鈎非關顧兔沒豈是桂枝浮空令誰雅識還用喜
騰猴萬累若消蕩一相更何求

如響

疊嶂迴參差連峯鬱相拒遠聞如句咏遙應成言
語竟無五聲實誰謂八音所空成顛倒羣徒迷塵
縛侶愍哉火宅中茲心良可去

如夢

祕駕良難辯司夢並成虛未驗周爲蝶安知人作
魚空聞延壽賦徒勞岐伯書潛令六識擾安能二
惑除當須耳應滿然後會真如

如影

朝光照皎皎夕漏轉駸駸晝花斜色去夜樹有輕
陰並能興眼入俱持動惑心息形影方止逐物慮
恒侵若悟假名淺方知實相深

鏡象

精金宛成器懸鏡在高堂後挂七龍網前發四珠
光迴望疑垂月傍瞻譬璧璫仁壽含萬類淮南辯
四鄉終歸一亡有何關至道場

和湘東王名士悅傾城

藝文作昭明者非

美人稱絕世麗色譬花叢雖居李城北住在宋家

東教歌公主第學舞漢成宮多游淇上水好在鳳
樓中履高疑上砌裾開特畏風衫輕見跳脫珠概
雜青蟲垂絲遶帷幔落日度房櫳粧窓柳隔色井
水照桃紅非憐江浦珮羞使春閨空

和徐錄事見內人作卧具

密房寒日晚落照度窓邊紅簾遙不隔輕帷半捲
懸方知纖手製詎減縫裳妍龍刀橫膝上畫尺墮
衣前熨斗金塗色簪管白牙躔衣裁合歡攝文作
鴛鴦連針用雙縫縷絮用八蠶綿香和麗丘蜜麝

吐中臺煙已入琉璃帳兼雜太華羶且共雕鑪暖
非同團扇捐更恐從軍別空牀徒自憐

戲贈麗人

麗姬與妖嬈共拂可憐粧同安鬟裏撥異作額間
黃羅裙宜細簡畫屨重高牆含羞來上砌微笑出
長廊取花爭問色藝文作寶鑷扳枝念蕊香但歌聊一
曲鳴絃未肯張自矜心所愛三十侍中郎

率爾成詠

借問仙將畫詎有此佳人傾城且傾國如雨復如

神漢后憐名燕周王重姓申挾瑟曾遊趙吹簫屢
入秦玉階偏望樹長廊每逐春約黃出意巧纏絃
用法新迎風時引袖避日暫披巾疎花映髻插細
佩透衫身誰知日欲薄含羞不自陳

執筆戲書

舞女及燕姬倡樓復蕩婦參差大戾發搖曳小垂
手釣竿蜀國彈新城折楊柳玉案西王桃蠶杯石
榴酒甲乙羅帳異辛壬房戶暉夜夜有明月時時
憐更衣

從頓暫還城

漢渚水初綠江南草復黃日照蒲心發一作暖風吹
梅蕊香征艫艤湯塹歸騎息金隍舞觀衣常襞歌
臺絃未張持此橫行去誰念守空牀

秋閨夜思

非關長信別詎是良人征九重忽不見萬恨滿心
生夕門掩魚鑰宵牀悲畫屏迴月臨窓度吟蟲繞
砌鳴初霜賈細葉秋風驅一作吹亂螢故粧猶累日
新衣製未成欲知妾不寐城外搗砧聲

詠內人晝眠

北窓聊就枕南簷日未斜
攀鈎落綺障插捩舉琵琶
夢笑開嬌靨眠鬟壓落花
簾文生玉腕香汗浸紅紗
夫婿恒相伴莫誤是倡家

傷美人

昔聞倡女別蕩子無歸期
今似陳王歎流風難重思
翠帶留餘結苔階沒故綦
圖形更非是夢見反成疑
熏鑪含好氣庭樹吐花滋
香燒日有歇花落無還時

變童

變童嬌麗質踐董復超瑕
羽帳晨香滿珠簾夕漏
賒翠被含鴛色雕牀鏤象牙
妙年同小史姝貌比朝霞
袖裁連壁錦牋織細種花
攬袴輕紅出迴頭雙鬢斜
嬾眼時含笑玉手乍攀花
懷猜非後釣密愛似前車定
使燕姬妬彌令鄭女嗟

倡婦怨情十二韻

綺窓臨畫閣飛閣繞長廊
風散同心草月送可憐光
髣髴簾中出妖麗特非常
耻學秦羅髻羞爲樓

上粧散誕披紅帔生情新約黃斜燈入錦帳微煙
出玉房六安雙玳瑁八幅兩鴛鴦猶是別時許留
值解心傷含涕坐度日俄頃變炎涼玉關驅夜雪
金氣落巖霜飛狐驛使斷交河川路長蕩子無消
息朱脣徒自傷

詠舞二首

戚里多妖麗重聘茂燕餘逐節工新舞嬌態似凌
虛納花承禱褻垂翠逐璫舒扇開衫影亂巾度履
行疎徒勞交甫憶自有專城居

可憐稱二八逐節似飛鴻懸勝河陽妓闇與淮南
同入行看履進轉面望鬟空腕動茗華玉衫隨如
意風上客何須起啼鳥未肯終

戲作謝惠連體十三韻

玉臺作簡文外編
廣文選並作沈約

也非

雜葢映南庭庭中光景媚可憐枝上花早得春風
意春風復有情拂幔且開楹盈盈一作開碧煙拂
幔復垂蓮偏使紅花散飄揚落眼前眼前多無况
參差鬱相望珠繩翡翠帷綺幕芙蓉帳香煙出窓

裡落日斜階上日影去遲遲節華成在茲桃花紅
若點柳葉亂如絲絲條轉暮光影落暮陰長春燕
雙雙舞春心處處揚酒滿心聊足萱枝愁不忘

和藉田

和武帝

禮經聞往說觀寶著遐篇豈如春路動祈穀重民
天蒼龍引玉軼交旗影曲旃皮軒承早日豹尾拂
游煙地廣重畦淨林芳翠幕懸青壇出長畎帷宮
繞直阡秉耒光帝則報獻重皇虔度諧金石奏德
厚歌頌詮三春潤蓂莢七月待鳴蟬鯉魚顯嘉瑞

銅雀應豐年不勞鄭國雨無榮鄴令田是知躬稼
美兼聞富教宣

漢高廟賽神

玉軼朝行動閭闔旦應開白雲蒼梧去丹鳳咸陽
來日正山無影城斜漢屢迴瞻流如地脉望嶺匹
天台欲祛九秋恨聊舉十千杯

祠伍員廟

去國資孝本循忠全令名舟裏一作中多奇計蘆中
復吐誠偃月交吳艦魚麗入楚營光功摧妙筭載

籍有餘聲洪濤猶鼓怒靈廟尚淒清行潦承椒奠
按歌雜鳳笙無勞晉后璧詎用楚臣纓密樹臨寒
水踈扉望遠城窓寮野霧入衣帳積苔生惟有三
青鳥歛翅時逢迎

守東華門開

一作守東平
中華門開

脂車向馳道總轡息中華落關猶待漏交戟未通
車薄雲初啓雨曙色始成霞塹流鋪紫若城風泛
橘花絃誦終無取顧已自懷嗟

春日想上林

春風本自奇楊柳最相宜柳條恒著地楊花好上
衣處處春心動常惜光陰移西京董賢館南宛習
都池荇間魚共樂桃上鳥相窺香車雲母幘駛馬
黃金羈

喜疾瘳

朝窓猶掩扇宿幔未懸鈎逍遙臨四注兼持散九
愁雖同衛子憊聊喜摯生瘳災星夜出境鳴禽晚
去樓蠲邪無賈服袂氣息梁牛隔簾陰翠篠映水
含珠榴丹經蘊玉笥玄水出長洲結友尋方岳採

藥訪圓丘神隨七星變貌逐五雲留飛鴻若可駕
輕簪必易抽

卧疾

沈疴類弩影積弊似河魚詎逢龍子浴空歎楚王

菹闕

詠風

飄飄散芳勢泛漾下蓬萊傳涼入鏤檻發氣滿瑤
臺委禾周邦偃飛颺宋都迴亟搖故葉落屢蕩新
花開暫舞驚鳧去時送蓋香來已拂巫山雨何用

卷寒灰

三月三日率爾成詩

芳年多美色麗景復妍遙握蘭唯是旦採艾亦今
朝迴沙溜碧水曲岫散桃夭綺花非一種風絲亂
百條雲起相思觀日照飛虹橋繁華炫姝色燕趙
艷妍妖金鞍汗血馬寶髻珊瑚翹蘭馨起縠袖蓮
錦束瓊腰相看隱綠樹見人還自嬌玉柱鳴羅薦
礫枕泛迴潮洛濱非拾羽滿握詎貽椒

晚春

玉臺藝文並作簡
文亦見昭明集

紫蘭葉初滿黃鶯弄不稀石蹲還似獸蘿長更如
衣水曲凍一作文魚聚林暝鴉鳥飛渚蒲變新節巖
桐長舊園風花落未已山齋開夜扉

和湘東王首夏

冷風雜細雨垂雲助麥涼竹水俱葱翠花蝶兩飛
翔燕泥銜復落鶻吟歛更揚卧石藤爲纜山橋樹
作梁欲待華池上明月吐清光

納涼

斜日晚駸駸池塘生半陰避暑高梧側輕風時入

襟落花還就影驚蟬乍失林遊魚吹水沫神蔡上
荷心翠竹垂秋采丹棗映踈砧無勞夜遊曲寄此
託微吟

晚景納涼

日移涼氣散懷抱信悠哉珠簾影空捲桂戶向池
開鳥一作鳥棲星欲見河淨月應來橫階入細筍蔽
地濕輕苔草化飛爲火蚊聲合似雷於茲靜聞見
自此歇氛埃

初秋

羽翬晨猶動珠汗晝恒揮秋風忽嫋嫋向夕引涼
歸浮陰卽染浪清氣始乘衣卷幌通河色開窓引
一作望月輝晚花欄下照疎螢簟上飛直置猶如此
何況送將歸

秋夜

螢飛夜的的蟲思夕嘒嘒輕露沾懸井浮煙入綺
寮檐重月沒早樹密風聲饒池蓮翻罷葉霜條生
寒條端坐彌茲漏離憂積此宵

秋晚

浮雲出東嶺落日下西江促陰橫隱壁長暉斜度
窓亂霞圓綠水紅葉影飛缸闕

大同八年秋九月

大君重九節下輦上林中酒闌嘉宴罷車騎各西
東時余守西掖脂車歸北宮車分獨坐道扇拂冶
城風落照灑中滿浮煙槐外通長樂含初紫安榴
拆晚紅

大同十年十月戊寅

喧塵是時息靜坐對重巒冬深柳條落雪後桂枝

殘星明霧色淨天白鴈行單雲飛乍想閣冰結遠
疑紈晚橘隱重屏枯藤帶迴竿荻陰連水氣山峯
添一作深月寒

大同十一月庚戌

詩彙作冬夕

茲園植藝積山谷久紆威直與轉多緒真事亦因
依是節嚴冬景寒雲掩落暉遠聞風瑟瑟亂視雪
霏霏浪起川難渡林深人至稀山禽背逕走野鳥
歷塘飛

玄圃寒夕

洞門扉未掩金壺漏已催曛煙生澗曲暗色起林
隈雪花無有蒂冰鏡不安臺塔楊始倒插浦桂半
新栽陳根委落蕙細蒞一作葉發香梅鴈去銜蘆上
猿戲繞枝來

奉答南平王康賚朱櫻

倒流映碧叢點露擎朱實花茂蝶爭飛枝濃鳥相
失已麗金釵瓜仍美玉盤橘寧異梅似丸不羨萍
如日永植平臺垂長與雲桂密一作匹徒然奉推甘
終以愧操筆

賦棗

浮華齊水麗垂彩鄭都奇白英紛靡靡紫實標離
離風搖羊角樹日映鷄心枝穀城踰石蜜蓬岳表
仙儀已聞安邑美永茂玉門垂

西齋行馬

晨風白金絡桃花紫玉珂影斜鞭照曜塵起足蹉
跎任俠稱六輔輕薄出三河風吹鳳凰袖日映織
成靴遠江艫舳少遙山煙霧多雲開瑪瑙葉水淨
琉璃波廣路拂青柳迴塘繞碧莎不效孫吳術寧

須趙李過

賦得隴坻鴈初飛

高翔憚濶海下去怯虞機霧暗早相失沙明還共
飛隴狹朝聲聚風急暮行稀雖弭輪臺援未解龍
城圍相思不得返且寄別書歸

藥名詩

朝風動春草落日照橫塘重臺蕩子妾黃昏獨自
傷燭映合歡被帷飄蘇合香石墨聊書賦鉛華試
作粧徒令惜萱草蔓延滿空房

言系
卷之五
三十一
卦名詩

櫛比園花滿徑復水流新離禽時入袖旅谷乍依
蘋豐壺要上客鵠鼎命嘉賓車由泰夏闢馬散咸
陽塵蓮舟雖未濟分密已同人

梁第五

梁第六

詩紀七十九

北海馮惟訥彙編

鄆郡謝 陸校訂

簡文帝

三

登城北望

登樓傳昔賦出薊表前聞灞陵忽回首河隄徒望
軍茲焉聊迴眺極目杳難分一水斜開岸雙城遙
共雲

登琴臺

言
燕階一作踐昔徑復想鳴琴遊音容萬春罷高名
千載留弱枝生古樹舊石深新流由來遞相歎逝
川終不收

餞別

行樂出南皮讌餞臨華池籜解篁開節花暗鳥迷
枝窓陰隨影度水色帶風移徒命銜杯酒終成憫
別離

送別

行行異沂海一作海沂依依別路岐水苔隨纜聚岸柳

拂舟垂石茵生懸葉江槎沉卧枝燭盡悲宵去酒
滿惜將離

晚景出行本集作美人

細樹含殘影春閨散晚香輕花髮邊墮微汗粉中
光飛鳧初罷曲啼鳥忽度行羞令白日暮車騎鬱
相望

春閨情

楊柳葉纖纖佳人懶織縑正衣還向鏡迎春試捲
簾摘梅多繞樹覓燕好窺簷只言逐花草計較應

非嫌

詠美人觀畫

殿上圖神女宮裏出佳人可憐俱是畫誰能辯偽
真分明淨眉眼一種細腰身所可特為異長有好
精神

詠人棄妾

昔時嬌玉步含羞花燭邊豈言心愛斷銜啼私自
憐常類作見歡成怨非關醜易妍獨鵠罷中路孤
鸞死鏡前

美人晨粧

玉臺作簡文藝文類聚作昭明非是

北窓向朝鏡錦帳復斜縈嬌羞不肯出猶言粧未
成散黛隨眉廣臙脂逐臉生試將持出眾定得可
憐名

和林下妓應令

初學記作昭明

炎光向夕歛促宴臨前池泉將影相得花與面相
宜管聲長鳥哢舞袂寫風枝歡樂不知醉千秋長
若斯

夜聽妓

合歡蠲忿葉萱草忘憂條何如明月夜流風拂舞
腰朱唇隨吹盡玉臺作動玉釧逐絃搖留賓惜殘一作別
弄負態動餘嬌

擬落日窓中坐

杏梁斜日照餘暉映美人開函脫寶釧向鏡理紈
巾游魚動池葉舞鶴散階塵空嗟千歲久願得及
陽春

雪裏覓梅花

絕訝梅花晚爭來雪裏窺下枝低可見高處遠難

知俱羞惜腕露相讓到腰羸定須還剪綵學作兩
三枝

山齋

玲瓏繞竹澗間關通槿藩缺岸新成浦危石久爲
門北榮下飛桂南柯吟夜猿暮流澄錦磧晨水照
彩鸞

晚日後堂

幔陰通碧砌日影度城隅岸柳垂長葉牕桃落細
跗花留蛺蝶粉竹翳蜻蜒珠賞心無與共染翰獨

言絲
卷之六
四
踟躕

望月

流輝入畫堂初照上梅梁形同七子鏡影類九秋
霜桂花那不落團扇與誰粧空聞北窓彈未舉西
園觴

開霽

景落商飈靖煙開四郊謐偃蹇暮山虹遊揚峯下
日水紋城上動城樓水中出竟微共治功空卧淮
陽秩

同劉諮議詠春雪

晚霞飛銀礫浮雲暗未開入池消不積因風墮復
來思婦流黃素温姬玉鏡臺看花言可折一作
插定
自非春梅

雪朝

同雲凝暮序嚴陰屯廣隰落梅飛四注翻霏舞三
襲實斷望如連恒分似相及已觀池影亂復視簾
珠濕

詠煙

浮空覆雜影含露密花藤乍如洛霞發頗似巫雲
登映光飛百仞從風散九層欲持翡翠色時吐鯨
魚燈

春日

年還樂應滿春歸思復生桃含可憐紫柳發斷腸
青落花隨燕入游絲帶蝶驚邯鄲歌管地見許欲
留情

玄圃納涼

登山想劍閣逗浦憶辰陽飛流如凍雨夜月似秋

霜螢翻競晚熱蟲思引秋涼鳴波如礙石闍草別
蘭香

薄晚逐涼北樓迴望

平衢望如掌曾雉暖相連斷雲留去日長山減半
天戲鳧乘汛下漁舟冒浪前

秋夜

高秋一作盲風度函谷墜露下芳枝綠潭倒雲氣青山
銜月規花心風上轉葉影樹中移一作危外遊獨千
里夕嘆誰共知

七夕

秋期此時浹長夜徙河靈紫煙凌鳳羽紅光隨玉
輶洛陽疑劍氣成都怪客星天梭織來久方逢今
夜停

九日賦韻

是節協陽數高秋氣已精簷芝逐月啓帷風依夜
清遠燭承歌儻斜橋聞履聲梁塵下未息共愛賞
心并

賦得橋

浮梁旣衝嶮通波信可陵乘空寫渭石跨岸擬河
冰斜闌隱濁霧布影入清澗方知歌綠水無待榜
蒼鷹

春日看梅花

昨日看梅樹新花已自生今日聞春鳥何啻兩三
聲凍解池開淥雲穿天半晴遊心不應動爲此欲
逢迎

和湘東王陽雲樓簷柳

暖暖陽雲臺春柳發新梅柳枝無極軟春風隨意

言
來潭池青帷閉玲瓏朱扇開佳人有所望車聲非
是雷

初桃

初桃麗新采照地吐其芳枝間留紫燕葉裏發輕
香飛花入露井交榦拂華堂若映窓前柳懸疑紅
粉粧

詠橘

菱蕤映庭樹枝葉凌秋芳故條雜新實金翠共含
霜攀枝折縹榦甘旨若瓊漿無假存雕飾玉盤余

自嘗

香茅

銅律與鳴琴俱稱類君子豈若江淮間發葉超衆
美珍同自牧歸茅因彙征起豈獨邁秦蘅方知茂
沅芷

繫馬

青驪沈赭汗綠地懸花蹄未垂青鞵尾猶掛紫障
泥蹠足絆中憤搖頭櫪上嘶紫關如未息直去取
榆溪

賦得舞鶴

來自芝田遠飛度武溪深振迅依吳市差池逐晉
琴竒一作寄聲傳迴澗動翅拂花林欲知情外物伊
洛有清潯

登板橋詠洲中獨鶴

遠霧旦氛氲單飛纔可分孤驚宿一作思嶼浦羈
下江濱意惑東西水心迷四面雲誰知獨辛苦江
上念離羣

聽早蟬

草歇鶖鳴初蟬思花落後乍飲三危露時蔭五官
柳莊書晒鵬翼衛賦宜螭首桂樹可淹留勿謂山
中久

詠蛺蝶

空園暮煙起逍遙獨未歸翠鬣藏高柳紅蓮拂水
衣復此從風蝶雙花上飛寄與相知者同心終
莫違

詠螢

本將秋草并今與夕風輕騰空類星實拂樹若花

生屏疑神火照簾似夜珠明逢君拾光彩不恡此
身傾

詠筆格

英華表玉笈佳麗稱蛛網無如茲制竒雕飾雜衆
象仰出寫含花橫抽學仙掌幸因提拾用遂厠璇
臺賞

詠鏡

四一作銚銖恒在側誰言覽鏡稀如水不見水似扇
長含輝全開玳瑁匣併卷織成衣脫入相如手疑

言趙璧歸

正月八日燃燈詩應令

廣弘明集不載名氏禪藻集作簡文

藕樹交無極花雲衣數重織竹能爲象縛荻巧成
龍落灰然葢盛垂油濕畫峯天宮倘若見燈王願
可逢

和蕭東陽祀七里廟

萬里實幽宗三神亦天構豈謂木石精斯乃山川
守遠來太白旗遙徵青鳥候以茲敬弗怠方知教
應富

賦詠五陰識枝詩

澆淳混神因心形復依色欲浪逐情飄愛網隨心
織鑄金雖改狀斬籌方未極鵠觀既無辯猿攀此
焉息

和湘東王三韻二首

春宵

花樹含春叢羅帳夜長空風聲隨篠韻月色與池
同綵牋徒自廢無信往雲中

冬曉

冬朝日照梁含怨下前牀帷寒竹葉帶鏡轉菱花
光會是無人見何用早紅粧

詠晚閨

玉臺舊本次春閨
情後題云又三韻

珠簾向暮下妖姿不可追花風暗裏覺蘭燭帳中
飛何時玉窓裏夜夜更縫衣

曉思

玉臺作
蕭紀

晨禽爭學囀朝花亂欲開爐煙入斗帳屏風隱鏡
臺紅粧幾盡淚蕩子何當來

同庾肩吾四詠二首

玉臺舊本作簡文帝
藝文作昭明按肩吾

詩經
卷之六
二
為簡文宮臣當
以玉臺為正

蓮舟買荷度

採蓮前岸隈舟子屢徘徊荷披衣可識風疎香不
來欲知船度處當看荷葉開

照流看落釵

相隨照綠水意是重涼風流搖粧影壞釵落髮花
空佳期在何許徒傷心不同

賦樂名得箜篌

揜遲初挑吹弄急時催舞釧響逐絃鳴衫回半障

柱欲知心不平君看黛眉聚

春日

花開幾千葉水覆數重衣蝶颺縈空舞燕作同心
飛歌妖弄曲罷鄭女挾琴歸

賦得入塔雨

細雨塔前入灑砌復沾帷漬花枝覺重濕鳥羽飛
遲儻令斜日照併欲似遊絲

詠柳

垂陰滿上路結草早知春花絮時隨鳥風枝屢拂

言
卷之六
塵欲散依依采時要歌吹人

詠芙蓉

圓花一蒂卷交葉半心開影前光照耀香裏蝶徘徊
欣隨玉露點不逐秋風催

詠梔子花

素華偏可憇的的半臨池疑爲霜裏葉復類雪封
枝日斜光隱見風還影合離

賦得薔薇

石榴珊瑚藥木槿懸星葩豈如茲草麗逢春始發

花迴風舒紫萼照日吐新芽

仰和衛尉新渝侯巡城口號

庾肩吾王筠同賦

帝京風雨中層闕煙霞浮玉署清餘熱金城含暮
秋水觀凌却敵槐影帶重樓

臨後園

隱淪遊少海神仙入太華我有逍遙趣中園復可
嘉千株同落葉百丈共尋霞

雨後

散絲與山氣忽合復俄晴雷音稍入嶺電影尚連

城雨餘雲稍薄風收熱復生

闕

和會三教

和武帝

聚沫多緣假標空非色香漢君雖起夢晉后徒降
祥玄機昔未辯洞鑒資我皇

闕

侍講詩

物善渥深慈監撫宣王事英邁八解心高超七花
意

登錦堂

詩彙作鮑照者非

孫生酸棗寺王子枝江樓何如登石鏡因閒猶豫

遊

夜遊北園

星芒侵嶺樹月暈隱城樓暗花舒不覺明波動見
流

遊韋黃門園

息車冠蓋里停轡仲長園簷踈遠興積賓至羽觴
繁

入淑浦

泛水入廻塘空枝度日光竹垂懸掃浪鳧疑遠避

檣

罷丹陽郡往與吏民別

久歸從事麥非留故吏錢柳栽今尚在棠陰君詎
憐

示晉陵弟

零雨岐路悲送歸臨水節時事雖爲舛離憂等閒
別

夜望浮圖上相輪絕句

光中辯垂鳳霧裏見飛鸞定用方諸水持添承露

盤

愁閨照鏡

別來顛顛久他人怪容色只有匣中鏡還持自相
識

金閨思二首

遊子久不返妾身當何依日移孤影動羞覩燕雙
飛

自君之別矣不復染膏脂南風送歸雁聊以寄相
思

寒閨

綠葉朝朝黃紅顏日日異譬喻持相比那堪不愁思

從頓還城南

暫別兩成疑開簾生舊憶都知未有情更似新相識

夜遣內人還後舟

錦幔扶船列蘭橈拂浪浮去燭猶文水餘香尚滿舟

贈麗人

腰肢本猶絕眉眼特驚人判自無相比還來有洛神

遙望

散誕垂紅帔斜柯插玉簪可憐無有比恣許直千金

行雨

本是巫山來無人覩容色唯有楚王臣曾言夢相識

和人渡水

榴
婉婉新上頭
湔裾出樂遊
帶前結香草
鬟邊插石

雜詠

知
被空眠數覺
寒重夜風吹
羅帷非海水
那得度前

詠武陵王左右

玉臺云詠武陵王左右伍鬲傳杯

留
頂分如兩髻
簪長驗上頭
投杯如欲轉
疑殘已復

彈箏

道
彈箏北窓下
夜響清音愁
張高絃易斷
心傷曲不

梁塵

風
依帷蒙重翠
帶日聚輕紅
定為歌聲起
非關團扇

遊人

山
遊戲長楊苑
携手雲臺間
歡樂未窮已
白日下西

言
詠朝日

團團出天外煜煜上層峯光隨浪高下影逐樹輕
濃

望月

今夜月光來正上相思臺可憐無遠近光照悉徘徊
徊

華月

兔絲生雲夜蛾影出漢時欲傳千里意不照十年
悲

詠雲

浮雲舒五色瑪瑙應霜天玉葉散秋影金風飄紫
煙

浮雲

可憐片雲生暫重復還輕欲使襄王夢應過白帝
城

大同九年秋七月

高樓闌左扇迴望依蘭橈晚風颼颼來落照參差
好

詠薔薇

燕來枝益軟風飄花轉光
氤氳不肯去還來階上香

檉

凌寒競貞節負雪固難虧
無慚雲母桂詎減珊瑚枝

詠疏楓

萎綠映葭青疏紅分浪白
花葉灑行舟仍持送遠客

詠藤

纖條寄喬木弱影掣風斜
標春抽曉翠出霧掛懸花

詠飛來鷓鴣

飛從何處來似出上林隈
口銜長生葉翅染昆明苔

詠單鳧

銜苔入淺水刷羽向沙洲
孤飛本欲去得影更淹留

詠寒鳧

迴水浮輕浪沙場弄羽衣
眇眇隨山沒離離傍海
飛

新燕 英華作昭
明者非

新禽應節歸俱向吹樓飛
入簾驚釧響來窓礙舞
衣

蜂

逐風從泛漾照日乍依微
知君不留眄銜花空自
飛

詠籠燈絕句

動焰翠帷裏散影羅帳前
花心生復落明銷君詎
憐

賦得白羽扇

可憐白羽扇却暑復來氛
終無顧庶子誰為一揮
軍

詠獨舞

因羞強正釵顧影時迴袂
非關善留客更是嬌夫
婿

詠舞

嬌情因曲動弱步逐風吹懸釵隨舞落飛袖拂鬟垂

七夕穿針

憐從帳裏出想見夜窓開針歌疑月暗縷散怪風來

石橋

惠子臨濠上秦王見海神寫虹便欲飲圖星逼似真

壞橋

虹飛亘林際星度斷山隅斜梁懸水跡畫柱脫輕朱

水中樓影

水底果魚出萍間反宇浮風生色不壞浪去影恒留

和湘東王後園迴文詩

枝雲間石峯脉水浸山岸池清戲鵲聚樹秋飛葉散

詠雪顛倒使韻

鹽飛亂蝶舞花落飄粉匳匳粉飄落花舞蝶亂飛

登山馬元帝同賦

登山馬一本疊間樹二字間樹識金裝草合宜羈短影轉

見鞭長何殊八公岫暫上淮南王

和湘東王古意詠燭

花中燭似將人意同憶啼流膝上燭焰落花中

倡樓怨節六言

朝日斜來照戶春鳥爭飛出林片光片影皆麗一聲一轉煎心上林紛紛花落淇水漠漠苔浮年馳節流易盡何為忍憶含羞

和蕭侍中子顯春別四首子顯詩別見以下七言

別觀葡萄帶實垂江南荳蔻生連枝無情無意猶如此有心有恨徒別離

可憐淮水去來潮春堤楊柳拂河橋淚痕未燥詎終朝行聞玉珮已相要

桃紅李白若朝粧羞持顛顛比新芳不惜暫住一作

往君前死愁無西國更生香

蜘蛛作絲滿帳中芳草結葉當行路紅臉脉脉一

生啼黃鳥飛飛有時度故人雖故昔經新新人雖

新復應故

藝文作江總閨怨詩玉臺作簡文

夜望單飛鴈

天霜河白夜星稀一鴈聲嘶何處歸早知半路應

相失不如從來本獨飛

應令

見藝文遊覽部

蠡浦急兮川路長白雲重兮出帝鄉平原忽兮遠

極目江甸阻兮羈心傷樹廬岳兮高且峻瞻派水

兮去泱泱遠煙生兮含山勢風散花兮傳馨香臨

清波兮望石鏡瞻鶴嶺兮睇仙莊望邦畿兮千里

曠悲遙夜兮九迴腸顧龍樓兮不可見徒送目兮

淚沾裳

擬古

亦見昭明集玉臺作簡文○以下雜言

窺紅對鏡斂雙眉含愁拭淚坐相思念人一去許

多時眼語笑靨迎來情心懷心想甚分明憶人不

忍語含恨獨吞聲

春情

蝶黃花紫燕相追楊低柳合露塵飛已見垂鈎挂
綠樹誠知淇水沾羅衣兩童夾車問不已五馬城
南猶未歸鶯啼春欲駛無爲空掩扉

傷離新體

新一作雜

傷離復傷離別後情鬱紆悽悽隱去棹憫憫愴還
途感感意不申轉顧獨沾襟前驅經御宿後騎歷
河漚胡香翼還幘清笳送後塵落日斜飛蓋餘暉
承畫輪柳影長橫路槐枝深隱人桂宮夕掩銅龍

扉甲館宵垂雲母幃朧朧月色上的的夜螢飛草
香襲余袂露灑沾人衣帶堞凌城雲亂聚排枝度
葉鳥爭歸盃中浮

一作綠

蟻不能酌琴間玉徽調別

鶴別鶴千里別離聲絃調軫急心自驚試起登南
樓還向華池遊前時篠生今欲合近日栽荷尚不
抽猶是銜杯共賞處今茲對此獨生愁登樓望暖
暖山川自分態偃師雖北連鞞轅已南背遠聽寂
無聞遙瞻目有闕含毫意不迷長嘆憶無賴

被幽述志詩

五言

廣弘明集曰梁簡文於幽繫中援筆自序云
有梁正士蘭陵蕭綱立身行已終始若一風
雨如晦鷄鳴不已非欺暗室豈
沈三光數至於此命也如何

况忽煙霞散颼颼松栢陰幽山白楊古野路黃塵

深終無千月命安用九丹金闕里長蕪沒蒼天空

照心十月弒於永福省年四十九崩時太清五年也

梁第六

梁第七

詩紀八十

北海馮惟訥彙編

鄣郡謝 陛校訂

元帝

諱繹字世誠武帝第七子也初封湘東王為會稽太守入為侍中丹陽尹出為使持節都督荊州刺史鎮西將軍侯景反遣王僧辯討誅之遂即位於江陵西魏見伐兵敗出降為梁王簪所害

樂府

長歌行

以下五言

當墟擅旨酒一卮堪十千無勞蜀山鑄扶受

一作授

采金錢人生行樂爾何處不留連朝爲洛生詠夕
作據梧眠從茲忘物我優游得自然

芳樹

芬芳君子樹交柯御宿園桂影含秋月桃花染春
源落英逐風聚輕香帶蕊翻叢枝臨北閣灌木隱
南軒交讓良宜重成蹊何用言

巫山高

巫山高不窮迴出荆門中灘聲下濺石猿鳴上逐
風樹雜山如畫林暗澗疑空無因謝神女一爲出

房櫳

隴頭水

銜悲別隴頭關路漫悠悠故鄉迷遠近征人分去
留沙飛曉成幕海氣旦如樓欲識秦川處隴水向
東流

折楊柳

巫山巫峽長垂柳復垂楊同心且同折故人懷故
鄉山似蓮花豔流如明月光寒夜猿聲徹遊子淚
霑裳

關山月

一作傷別離

朝望清波道
夜上白登臺
月中含桂樹
流影自徘徊
寒沙逐風起
春花犯雪開
夜長無與晤
衣單誰爲裁

洛陽道

洛陽開大道
城北達城西
青槐隨幔拂
綠柳逐風低
玉珂鳴戰馬
金爪鬪場鷄
桑萎日行暮
多逢秦氏妻

長安道

西接長楸道
南望小平津
飛甍臨綺翼
輕軒影畫輪
雕鞍承赭汗
槐路起紅塵
燕姬雜趙女
淹留重上春

紫駟馬

長安美少年
金絡鐵連錢
宛轉青絲鞵
照耀珊瑚鞭
依槐復依柳
蹀躞復隨前
方逐幽并去
西北共聯翩

驄馬驅

朔方寒氣重
胡關饒苦霧
白雪晝凝山
黃雲宿埋

樹連翩行役子終朝征馬驅叶都故切試上金微山還
看玉關路

劉生

任俠有劉生然諾重西京扶風好驚坐長安恒借
名榴花聊夜飲竹葉解朝醒結交李都尉遨遊佳
麗城

飛來雙白鶴

紫蓋學仙成能令吳市傾逐舞隨踈節聞琴應別
聲集田遥赴影隔霧近相鳴時從洛浦渡飛向遼

東城

班婕妤

婕妤初選入含媚向羅幃何言飛燕寵青苔生玉
墀誰知同輦愛遂作裂紈詩以茲自傷苦終無長
信悲

半路溪王臺作簡文帝

相逢半路溪隔溪猶不度望望判知是翩翩識行
步摘贈蘭澤芳欲表同心句先將動舊情恐君疑
妾妬

採蓮曲

碧玉小家女來嫁汝南王蓮花亂臉色荷葉雜衣香因持薦君子願襲芙蓉裳

吳趨行

水裏生葱翅池心怕欲飛蓮花逐牀返何時乘舫歸

燕歌行

以言

燕趙佳人本自多遼東少婦學春歌黃龍戍北花如錦玄菟城前一作月似蛾如何此時別夫婿金

羈翠眊往交河還聞入漢去燕營怨妾愁心百恨生漫漫悠悠天未曉遙遙夜夜聽寒更自從異縣同心別偏恨同時成異節橫波滿臉萬行啼翠眉暫歛千重結並海連天合不開那堪春日上春臺乍見遠舟如落葉復看遙舸似行杯沙汀夜鶴嘯羈雌妾心無趣坐傷離翻嗟漢使音塵斷空傷賤妾燕南陲

烏棲曲四首

樂府又有幄中清酒濃黛輕紅二首亦作元帝玉臺云蕭

子顯詩也

沙棠作船桂爲楫夜渡江南採蓮葉復值西施新
浣沙共向江干眺月華玉臺作共汎江干瞻月華
月華似璧星如珮流影澄明玉堂內邨鄆九枝朝
始成金卮玉盃共君傾
交龍成錦鬪鳳紋芙蓉爲帶石榴裙日下城南兩
相望月沒參橫掩羅帳
七彩隋珠九華玉蛟蝶爲歌明星曲蘭房椒閣夜
方開那知步步香風逐

詩

登隄望水

以下五言

驅馬河隄上非謂城隅遊懷山殊未已徒然勞九
愁旅泊依村樹江槎擁戍樓高岸翻成浦曲港反
通舟棗野良知歎瓠河今可儔願假宣尼道一作術
泗水却橫流

赴荊州泊三江口

藝文作行經巴陵部伍

涉江望行旅金鉦間綵旂水際含天色虹光入浪
浮柳條恒拂岸花氣盡薰舟叢林多故社單戍有
危樓疊鼓隨朱鷺長簫應紫騮蓮舟夾羽斃畫舸

覆緹油榜歌殊未息於此泛安流

潘難未靜述懷

玉節威雲夢金鉦韻渚宮霜戈臨塹白日羽映流
紅單醪結猛將芳餌引羣雄箭擁淇園竹劍聚若
溪銅亟覩周王駿多逢鮑氏驄謀出河南賈威寄
隴西馮溪雲連陣合却月半山空樓前飄密柳井
上落踈桐差營逢霖雨立壘挂長虹

和王僧辯從軍

樂府作
從軍行

寶劍飾龍淵長虹畫彩旃山虛和鏡管水淨寫樓

船連鷄隨火度燧象帶烽然洞庭晚風急瀟湘夜
月圓荀令多文藻臨戎賦雅篇

和劉尚書兼明堂齋宮詩

質明攝上宰詰旦乘輶軒四圭邸蒼玉六變舞雲
門香浮鬱金酒煙繞鳳凰樽貂冕交輝映珩珮自
相喧微風颺清管輕雨發陳根新花臨御陌春色
起天園河間獻樂語斯道媿能論

和劉尚書侍五明集詩

藝文作和劉
尚書侍講

帝德洽區宇垂衣彰太平黃唐慙懋實子姒忍嘉

聲治家陳五禮功成奏六英汲引留宸鑒舟航動
睿情法王唯一法無生信不生因因從此見果果
自斯明元良仰副后舍一震鴻名龜藏踰啓筮魯
史冠春卿日宮佳氣滿月殿善風清綺錢蔽西觀
緹幔卷南榮金門練朝鼓玉壺休夜更宮槐留曉
合城烏侵曙鳴露光枝上宿霞影水中輕虛薄今
何事徒知戀法城

和鮑常侍龍川館

珍臺接閒館迢遞山之旁多解三真術俱善四明

方玉題書仙篆金榜燭神光桂影侵檐進藤枝繞
檻長苔衣隨溜轉梅氣入風香

登顏園故閣

高樓三五夜流影入丹墀先時留上客夫婿美容
姿粧成理蟬鬢笑罷斂蛾眉衣香知步近釧動覺
行遲如何舞館樂翻見歌梁悲猶懸北窓幌未捲
南軒帷寂寂空郊暮非復少年時

代舊姬有怨

一作邵陵
王蕭綸

寧爲萬里隔乍作灰生離那堪眼前見故愛逐新

移未展春花落遽被涼風吹怨黛舒還歛啼紅拭
復垂誰能巧爲賦黃金妾不貲一作自資

夕出通波閣下觀妓

一云春夜看妓

蛾月漸成光燕姬戲小堂胡舞開春閣鈴盤出步
廊起龍調節奏一作鼓却鳳點笙簧樹交臨舞席荷
生夾妓航竹密無分影花疎有異香舉杯聊轉笑
歡茲樂未央

去丹陽尹荊州二首

駉駕乘駟馬謁帝朝承明分符蒞閩越終然慙勵

精

闕

又

副君垂獎盼仁慈穆且敦終朝陪北閣清夜侍西
園降貴深知已寧思食棗恩未嘗辭晝室誰忍去
輾轅闕

示吏民

闕里尚撝謙厲鄉裁知足咨余再分陝少思宜寡
欲霞出浦流紅苔生岸泉綠方知江漢士變爲鄒
魯俗

後臨荊州

擁旄去京縣，褰帷辭未央。
弱冠復王役，從容張不學。
胡威絹寧挂，裴潛牀所冀。
方留犢行當息，飲羊戲蝶時。
飄粉風花乍，落香高欄來。
蕙氣踈簾度，晚光綺錢臨。
仄宇阿閣繞，長廊

別荊州吏民

玉節居分陝，金貂總上流。
麾軍時舉扇，作賦且登樓。
年光徧原隰，春色滿汀洲。
日華三翼舸，風轉七星旂。
向解青絲纜，將移丹桂舟。

宮殿名詩

林間花欲然，竹逕露初圓。
鬪鷄東道上，走馬北場^{一作}邊。
合歡依暝卷，葡萄向日鮮。
旗亭覓張放，香車迎董賢。
定隔天淵水，相思夜不眠。
張氏成帝幸臣

縣名詩

長陵新市北，鄭衛好容儀。
先過上蘭苑，還牽高柳枝。
薄粧宜入鏡，舒花堪照池。
蒲洲涵水色，椒壁雜風吹。
此時方夜飲，平臺傳羽卮。

姓名詩

征人習水戰辛苦配戈船夜城隨偃月朝軍逐避
年龍吟澈水渡虹光入夜圓濤來如陣起星上似
烽然經時事南越還復討朝鮮

將軍名詩

虎旅皆成陣龍騎盡能踣鳴鞭俱破虜決勝徃長
榆細柳浮輕岸大樹繞栖烏樓船寫退鷁檣烏狎
飛鳧度河還自許偏與功名俱

屋名詩

梁園氣色和斗酒共相過玉柱調新曲畫扇掩餘

歌深潭影菱菜絕壁挂輕蘿木蓮恨花晚薔薇嬌
刺多含情戲芳節徐步待金波

車名詩

長墟帶江轉連甍映日分佳人坐椒屋接膝對蘭
薰繞砌縈流水邊梁圖畫雲錦色懸殊衆衣香遙
出羣日暮輕帷下黃金妾贈君

船名詩

天際浮雲飛三翼自相追池模白鵠舞檐知青雀
歸華淵通轉塹伏檻跨相磯松澗流星影桂窓斜

月暉思君此無極高樓淚染衣

歌曲名詩 樂府作金樂歌

啼鳥怨別偶曙鳥憶離家石闕題書字金燈飄落花東方曉星沒 一作度 西山晚日斜縠衫迴廣袖團扇掩輕紗暫借青驄馬來送黃牛車

藥名詩

戍客恒山下常思衣錦歸况看春草歇還見鴈南飛蠟燭凝花影重臺閉綺屏風吹竹葉袖網綴流黃機詎信金城裏繁露曉霑衣

針穴名詩

金推五百里日晚唱歸來車轉承光殿步上通天臺釵臨曲池影扇拂玉堂梅先取中庭入罷逐步廊迴下關那早閉人迎已復開

龜兆名詩

土膏春氣生倡女協春情魚遊連北水鵠作遼東鳴折梅還插鬢盪柱更移聲銀燭含朱火金鑪對寶筮百枝凝夕焰却月隱高城

獸名詩

詩記

豹韜求秘術虎略選良臣水涉黃牛浦山過白馬
津摧鋒上狐塞畫像入麒麟果下新花落桃枝芳
樹春王孫及公子熊席復橫陳

鳥名詩

方舟去鳩鵲引欲相要晨鳧移去舸飛燕動歸
橈雞人憐夜刻鳳女念吹簫雀釵照輕幌翠的繞
纖腰復聞朱鷺曲鈺管雜迴潮

樹名詩

趙李競追隨輕衫露弱枝杏梁始東照柘火未西

馳香因玉釧動珮逐金衣移柳葉生眉上珠璫搖
鬢垂逢君桂枝馬車下覓新知

草名詩

胡王迎娉主塗經蒯北遊金錢買含笑銀缸影梳
頭初控游龍馬仍移卷栢舟中江離思切蓬鬢不
堪秋况度菖蒲海落月似懸鉤

相名詩

仙人賣玉杖乘鹿去山林浮杯度池曲摩鏡往河
陰井內書銅板竈裏化黃金妻搵五明扇妾弄一

絃琴暫遊忽千里中天那可尋

望江中月影

文苑英華作簡文帝今從藝文初學作元帝

澄江涵皓月水影若浮天風來如可泛流急不成
圓秦鈎一作鏡斷復接和璧碎還聯裂紈依岸草斜
桂逐行船卽此春江上無俟百枝然

詠霧

曉霧晦階前垂珠帶葉邊五里浮長隰三晨暗遠
天傍通似佳氣却望若飛煙踈簾還復密斷棟更
疑連還思逢樂廣能令雲霧褰

春日

春還春節美春日春風過春心日日異春情處處
多處處春芳動日日春禽變春意春已繁春人春
不見不見懷春人徒望春光新春愁春自結春結
詎能申欲道春園趣復憶春時人春人竟何在空
爽上春期獨念春花落還以惜春時

納涼

高春斜日下佳氣滿欄楹池紅早花落水綠晚苔
生星稀月稍上雲開河尚橫白鳥翻帷暗丹螢入

帳明珠綦趨北閣玳席徙南榮金鋪掩夕扇玉壺
傳夜聲

賦得涉江采芙蓉

樂府作吳均採蓮曲

江風當夏

一作夜

清桂檝

一作棹

逐流縈初疑京兆劍

復似漢冠名荷香帶風遠蓮影向根生葉捲珠難
溜花舒紅易傾日暮鳧舟滿歸來度錦城

賦得蘭澤多芳草

春蘭本無艷春澤最歲蕤燕姬得夢罷尚書奏事
歸臨池影入浪從風香拂衣當門已芬馥入室更

芳菲蘭生不擇逕十步豈難稀

英華辯證曰春蘭本無艷初學記作

無絕按楚辭春蘭兮秋菊長無絕兮終古則無絕字亦是

詠石榴

塗林未應發春暮轉相催然燈疑夜火連珠勝早
梅西域移根至南方釀酒來葉翠如新剪花紅似
故栽還憶河陽縣映水珊瑚開

看摘薔薇

倡女倦春閨迎風戲玉除近叢看影密隔樹望釵
踈橫枝斜縮袖嫩葉下牽裾牆高舉不及花新摘

未舒莫疑插鬢少分人猶有餘

賦得竹

嶰谷管新抽淇園節復脩作龍還葛水爲馬向并
州柯亭臨絕澗桃枝夾細流冠學芙蓉勢一作花
堪威鳳遊邛王若有獻張騫應拜侯

詠池中燭影

魚燈且滅燼鶴焰暫停輝自有銜龍燭青光入朱
扉映水疑三燭翻池類九微入林如燐影度渚若
螢飛河低扇月落霧上珠星稀章華終宴所飛蓋

且相追

晚棲鳥

文苑英華
作樂府

日暮連翩翼俱向上林棲風多前鳥駛雲暗後羣
迷路遠聲難徹飛斜行未齊應從故鄉返幾過入
蘭閨借問倡樓妾何如蕩子妻

